

**FINANCIAL BUSINESS**

**DISCUSSION & VOTING ON SUPPLEMENTARY DEMANDS FOR THE YEAR  
2006 – 2007**

6. Discussion and Voting on Supplementary Demand for the year 2006 - 2007

**LEGISLATIVE BUSINESS**

**Bill for introduction, consideration and passing**

7. **PU ZORAMTHANGA** to beg leave of the House to introduce “The Mizoram Appropriation (No. 1) Bill, 2007”

**ALSO**

**to introduce the Bill**

**to move that the Bill be taken into consideration**

**AND**

**to move that the Bill be passed.**

**FINANCIAL BUSINESS**

**GENERAL DISCUSSION ON THE BUDGET FOR THE YEAR 2007 – 2008**

8. General Discussion on the Budget for the year 2007 – 2008 (to commence).

**S P E A K E R** : Thil petu chuan ui lovin pe rawh se; rorel-tuin taima takin rel rawh se, mi khawngaihtuin lawm takin khawngaih rawh se. (Rom 12 : 7-8)

Pu Lalhmingthanga ilo sawm ang. Starred Question No. 41-na zawt turin

**PU LALHMINGTHANGA** : Pu Speaker, ka zawhna Starred Question No. 41-na Home Minister zahawm takin a chhan atan - IR Battalion thar tur atana interview te kha engtikah nge appointment pek an nih dawn ?

**S P E A K E R** : Chhang turin Home Minister zahawm tak Pu Tawnluia ilo sawm ang.

**PU TAWNLUIA  
MINISTER** : Pu Speaker, Member zahawm tak zawhna chhanna kha May ni 15, 2007- a zawm hman turin appointment pek an ni ang tih a ni e.

**PU LALHMINGTHANGA** : Zawhbelhna, tah hian an interview-na kha a zawhna a rei riau a, District Headquarters hrang hranga neih District Headquarter tina kan tlangvalte leh kan thalaite interview an siam sak kha mipui an lawm ve a. Amaherawhchu, appointment pek hi a tlai tak em avang hian a tarah hian zawhna a tam viau mai a. A tlai nachhan hi politics taka selection hi siam anih vang a ni tih ten sawi a awm a. Tin, chumi piah lamah hetia la lo anga Sorkar a awm reng chhung hian zawi zawiin tlem tlem an la chho a, chung chu recruitment pawh pek zel an ni a. Tin, passing out parade te pawh hi neih tir te pawh an ni a tih sawite pawh a awm a. Khang kha eng chen nge ni thil dik a ni em, ni lo em tih tih kan Minister zahawm tak hian han sawi tel nghal thei se chuan a tha khawp ang a.

**PU ZODINTLUANGA** : Pu Speaker, zawhbelhna – kan Governor zahawm tak Speech ah khan March, 2006 ah 17 crore 3<sup>rd</sup> IR Battalion din nan pawisa hmuh tawh thu a sawi a. Chu chu 2005 – 2006 chhung a ni. Chuan 2006 – 2007 hei kan hmang zo tawh a ni a. Hemi chhung hian he 17 crore hi eng head-ah nge pawisa an dah tih ka zawt duh a. Tin, nikum hemi Budget Session kan neih zawh chiah khan MNF Party Press Release chuan April ni 3-ah kan Home Minister ina helai budget chungchang a sawifiahnaah rawn ti chhuak a. 3<sup>rd</sup> IR Battalion thar hna lak tur chungchang sawiin Pu Tawnluia chuan Sorkar laipui Home Minister-in 3<sup>rd</sup> IR Battalion dinna tur chengv aibelchhe 25 sanction a sign fel tawh thu leh Cabinet meeting in hna lak theihna tur a pass fel hnua hna hi lak tur anih thu a sawi a ti a. March, 2006 atanga March, 2007 hian cheng vaibelchhe 8 hi khawiahnge a bo tak tih kha ka rawn zawt duh a. Kan Governor zahawm takin vaibelchhe 17 a ti a. Kan Home Minister-in vaibelchhe 25 sanctioned fel a nih thu a sawi a. Tin, kan Chief Minister zahawm tak speech-ah khan 49 naah 'we have raised the 3<sup>rd</sup> Indian Reserve Battalion during the current year' a ti a. He Battalion hi raise a tia tawngkamah hian an ti tawh a ni a. Khawilai hmunah nge a awm he 3<sup>rd</sup> IR Battalion hi tih ka rawn zawt e.

**PU S. HIATO** : Session hmasa khan he 3<sup>rd</sup> Battalion hmun tur hi kan sawi nual a, hei hi tihfel a ni tawh em ? Khawiah nge tih an tum tih ka zawt e.

**PU R. LALZIRLIANA** : Pu Speaker, hei IR Battalion chungchang a ni a, 2<sup>nd</sup> IR State danga kalta ho kha mi engzatnge boral tawh Chhatisgarh a kalta kha tih ka zawt duh a. Heng boralte hi indona nge ni rambuai a thi anga puan an ni nge? Awmlai a thi mai tih ka zawt duh a.

2-naah chuan hemi kan Mizo Police puite ruang a lo haw hian sum an rawn phurhna hi anmahni an pension-ah emaw gratuity an lak turah emaw khan cut tur niin hriat a ni a, hei hi tak tak em ni tih ka zawt duh a.

Tin, 4-naah chuan 3<sup>rd</sup> IR Bn. Headquarters, Khawzawl-ah Pistol 9mm bo a awm em? A awm anih chuan heta inhnawih hi engzatnge man an nih tawh? Man an awm em tih ka zawt duh a ni.

**S P E A K E R** : 3<sup>rd</sup> IR atangin 2<sup>nd</sup> IR-ah Khawzawlah emaw supplementary kha pathum a awm tawh a, a chhang turin i sawm phawt teh ang.

**PU TAWNLUIA MINISTER** : Pu Speaker, Member zahawm tak zawhna 3<sup>rd</sup> IR Bn. Headquarters tur khawiah nge? tih hi chu tunah hian proposal hmun hrang hrang atangin kan dawng khawm a. Chu chu PHQ in verification an nei a, chu verification report leh Assessment chu Home Department-ah an rawn pelut ang a. Tichuan Cabinet decision siam turin rawtna kan pe lut dawn a. Process kal lai mek a ni a, khawimah la select a ni lo tih kha ka sawi duh a.

Tin, Saitual bialtu MLA zahawm tak Pu Zira zawhna Chhatisgarh ah kan IR Bn. Kalta te engzatnge thi tawh tih hi nikum October-ah an chhukthla a, tunah hian thlaruk zet zawt an awmah ngai ta ila. Hemi chung hian vanduaithlak takin mi 5 chu Mizo-in Awmlai kan tih damlohna vangin an boral a, pakhat erawh chu Sipai zinga thlengfo mahni inkhawih palh ti ilangin khatiang khan a boral a. Chumi boral ta 6 zinga 3 chu Malaria an ni a, pakhat chu mahni Silaia inti palh a ni a. A dang te chu thil dang natna vang a ni e.

Tin, an ruang phurhna an cut tur tih zawng kha a tawi zawngin cut a ni lovang, kha kha chu Sorkarin a kan tum tur liau liau a ni e. Khuta Chhatisgarh a tun kum thara kan zuk kal khan an Home Minister leh an DGP te nen pawh heng hi kan sawi a. An ni pawh thil thar anih avangin anmahni Account Head leh eng eng emaw a in adjust a ngai ve a. Hei hi initial stage a ni a, chawp leh chilhin thil hi a fel duak duakin theitawpin kan lo pui ve zel ang an ti a. Kha kha chu cut loh tur a ni e Sorkarin kan pe ang tih kha a tawi zawngin a fiah mai awm e.

Tin, Buarpu bialtu zahawm takin crore 25 tih te, crore 17 tih te battalion siamna atana sanction a rawn zawhna kha sawifiah dawn ila a tha awm e. Tun hma chuan IR Bn. Din nan hian a tlangpuiah crore 15 India ram pumpuiah norms an nei a. Hun a kal zel a, chutihlai karah chuan 2005-ah khan crore 13 min sanction a, mahse hei hi chuan kan din thei love kan ti a. Chutih lai chuan a norms/a rate hi crore 25 ah tihsan turin proposal awm tih kan hria a, kan tang ve tlat a. Kan Chief Minister hian a kal apiangin a zuk nawr a. Tichuan, nikum March thla khan Central Sorkar-in 3<sup>rd</sup> IR Bn. Dinna tur hian crore 17 min rawn sanction a. Tichuan crore 17 chu a kaldan phungah chuan 75% kha grant-in-aid angin a kala, 25% chu interest, free loan, long term loan angin a ni a. 17 crore plus a awm leh a. Raising cost atan liau liau 17 crore a ni a. Capital cost upto 8 crore min pek belh thei bawk a. Tichuan 17+8=25 crore a lo ni ta a ni. Chutiang chu Central atanga pawisa he battalion dinna tur atana ruahman chhoh dan chu a ni a. Chumi ang chuan sanction min pe a ni. Tunah hian engzatnge hman tawh, engtingge tih kha March, 2006-ah min sanctioned a, pawisa 1<sup>st</sup> instalment an rawn release chu nikum Sept/06 khan a ni chauh a. September a an rawn released khan kan account a lut a hman theih tur chuan huan a duh rei a. Chuvangin, a thuin awm mahse pawisa released anih loh chuan hma kan la zung zung thei lo a ni.

Tin, zawi zawiin Construction an la hret hret a, engemaw training te pawh a awm tih hi, training hi chu on-going a ni a, Refresher Course te, promotion course te a awm chho mek zel a. Lehlamah chuan kan danah hian IV Grade tepawh hi Constable-ah a fit zualte chu hlankai an awm nual a. Chuvangin, training hi a batch in a kal reng a ni tih kha ka sawi duh a ni. Tin, he battalion thar lakna turah hian political consideration leh khatiang kha engmah a awm lova, on merit-in a kalchho dawn a ni. Nikum May thlaah khan advertisement kan chhuah a, Labour & Employment-ah kan notified bawk a. Chutiang chuan recruitment kha May thla atangin physical test neih tan a ni a. Chumi hnuah written test neih a ni leh a. Personal interview phei chu October, 2006 thla tawpah an zo fel chauh a ni a. Tichuan Nov., Dec., Jan., Feb., tunah March, 2007 a ni a. An Uniform hak tur te ngaihtuah a ngai a, pawisa an release vat bik si lova. Uniform & Equipment atan quotation kan called a. Chumi hnuah State Purchase Advisory Board C.S. hovin an thut a ngai a, re-tender ngai te a awm a. Chuvangin Pu Speaker, a hmaa kan hisap naah chuan January thlaah kan zo ang em kan tih kha kan zo hman ta deuh lova. Tunah erawh hian a latest a kan in hisapin tun May 15, 2007 a training tan thei tur hian a hmian appointment order hi chu kan siamfel hman ang chu maw tiin kan inruahman a ni. Chutiang chu hemi 3<sup>rd</sup> IR Bn. lak tur chungchang vawiina zawhna te kan sawifiah dan niselangin a tha ang.

Tin, Pu Speaker, hemi IR laknaah hian kan hriat theuh tawh ang khan District-wise-in Recruitment kan ti a. District tinah Recruitment Board SP hovin an awm a, an mahni district ah khan quota kan siam theuh va. Aizawl District-ah 301, Mamit-ah 58, Kolasib ah 61, Champhai ah 100, Serchhip ah 50, Saiha ah 42. Khatiang khan Board tin atangin recommendation an rawn siam ang a. PHQ-ah hian Selection Board a awm a, chutah chuan recommendation te chu a lut ang a. Selection Board chuan Selection chu a siam dawn a ni. Tin, quota hi Ex-Service-ah 10%, Homeguard-ah 5%, Sports-ah 3%, Police (deceased kan ti bik a) Service a awm Officers leh ORS reng reng boral tawh, an

chhungte tan quata 10% kan siam a. Rehabilitation atan 5% kan siam a. Hemi hnaruaak pumpui kan lak tur hi kan belhkawmin 1260 zet a ni a. Tichuan quota ah hian 400 chuang a kal a. tichuan general seat kha chu 800 awrh chauh a ni dawn a. Pu Speaker, kan Sorkar hian khatiang ang khan helaia harsa zualte hi ti mai ila kawng hrang hrang a a category hrang hrang zuk en ngaite en na atana reservation a siam te hi a lawmawm em em a. Hei hi nidanga hma la lak ngai lohna kan han siam thar a ni a, min huap zo viau a ni.

Tin, IR Battalion lak thar te training na tur hian remruatna thar kan mamawh a. Nidangah kha chuan PTC-ah leh 1<sup>st</sup>/3<sup>rd</sup> Battalion ah te engtin emaw kan sem darh khan kan in accommodate thei mai a. Tunah chuan 1200 zet an ni a. PTC Lungverh ah khuan a tam berah 700 te kan in hnawh thei ang em kan ti chauh a. Chuvang chuan Thenzawh-a New PTC kan buatsaih mekah sawn tunah hian building tam tak sak zawh tawh a ni a, sawtah sawn IR Battalion thar tur bik te chu training tir ila kan ti a. Tichuan a dang vacancy MRP ah 114, MAP leh IR Bn. awm tawhsa ah te hian 200 chuang zet post ruak a awm bawk a. Chungte leh Battalion thar tur te chu a hrangin training sa tha kan ti a. PTC thar tun Thenzawlah sawn tuna kan building neihsa engemaw zat leh under construction engemawzat saw cheibawlin tam takin accommodate theihna a ni tawh a, Puan in te kaihin engemawzat chu kan training thei ang chu tuna kan han ruahman chhohna leh kaldan a chu a ni e. Pu Speaker zawhna dang kha a awm a, 2<sup>nd</sup> IR chungchang a ni a, ka chhang thei tho nachungin nidangah a appropriate zawk ang a. Pu Speaker, Unstarred Question-ah pawh khan a awmin ka hria a. Chiang kelkawlin kanrawn ziah tawh kha mawle. Starred Question a lo kal pawhin kan la chhang dawn nia. Vawiinah chuan min hrethiam dawn nia a zawttu pawhin.

- S P E A K E R** : Starred Question 42-na zawt turin Pu Lalrinliana Sailo ilo sawm ang.
- PU LALRINLIANA SAILO** : Pu Speaker, ka lawm e. Soil & Water Conservation Department, Minister zahawm tak chhan atan Starred Question 42-na BAFFACOS pawisa 2004-2006 a hmanna Sorkarin a dik thlapin a hmang em ?
- S P E A K E R** : A chhang turin Soil & Water Conservation Department changtu Minister zahawm tak Pu Aichhinga ilo sawm ang.
- PU AICHHINGA MINISTER** : Pu Speaker, ka lawm e. Member zahawm tak Pu Rina zawhna chhanna chu - BAFFACOS pawisa 2004-2006 Soil & Water Conservation hnuai ami chu Sorkarin a dik thlapin a hmang e, tih hi ka chhanna a ni.

**PU LALRINLIANA SAILO** : Pu Speaker, ka lawm e. Soil Department hi BAFFACOS hmang tlem tak Department an ni a. Thupuan Chanchinbu 15<sup>th</sup> Nov., 2006-a chhuak a BAFFACOS beneficiaries-te a rawn tihah khan lungawilohna a rawn thleng a Samlukhai-ah sawn. VCP Pu H.L. Rokima te, Pu V. Zakhuma, YMA Branch President tih te, Pi Lalhmingthangi MHIP President tih te, MUP President Pu Hmingthangvela tih te hian mi sawm pathum lain complaint-na an rawn ziaak duh mai a. An complaint-na hi kan sawi ang a, Aizawl Thupuan Chanchinbu ni 15<sup>th</sup> Nov., 2006 chhuaka tarlan danin list of beneficiaries under BAFFACOS Scheme 2004-2005 under Soil & Water Conservation Department hnuai BAFFACOS sumdawngte Minister zahawmtak Pu Aichhinga chhanna hian kei an in ti ta vek a, mi sawm pathum hian Lalhruaia S/o V. Vanmawia hei mi 13 Pu Speaker ka sawi veklo ang a, Samlukhai hnuai Rs. 40000/- dawng anga kan hming lo lang ve hi Soil & Water Conservation Department hnuai a tang hian BAFFACOS sum hi cheng khatmah ka dawnglo tih ka puang e an ti a.

Tiang chuan helaia lang zawng Rs. 30000/- te, Rs. 40000/-, Rs. 20000 te, tiang hi an rawn complaint nasa mai a, kan hnenah pawh an rawn kal a, hriat pawh a hreawm khawp mai, hei hi engnge a awmzia aw !! mak ti a, dawng si lova dawng anga ziah fel leh thlap zel si hi hriatthiam lohna lai ka nei a. BAFFACOS hrim hrim hi Department 15-ah sem darh kha a ni a, Soil hi a hmang tlem pawl tak an ni a. Industries te chuan nuai 515 hman turah nuai 1042 an hmang a, kan han en a, Sairang K.K. Shah te Venus Bamboo Project-ah nuai 400 chuang an hmante kha alo lang kiau mai a. Hetiangte hi BAFFACOS pawisa hman dan a ni a, a va mak tehnuai ve mawle.

Tin, Tualte-ah Pu Speaker. kan Minister zahawm tak khan a nihna ang takin an hmang e a ti tak nain ka han kal a, hei irrigation an ti ve a, kut zungpui tiat tawng tawng hianin tui an la a, ramhnuai ah nuai sawm lai mai. Hei helaiah hian a rawn ti a, ka hriat sual loh chuan, a va diklo nasa em em ve mawle ? Thingtlang kuthnathawktute pawisa hi a suamin an suam a ni ringawt mai a. Mizoram Tsunami a ni ringawt alawm mawle. Helaite hi min hrilhfhah thei em le khawngaih takin.

**S P E A K E R** : Chhang turin Minister sawm tur a ni a. Mahse Pu P.P. Thawla a phar tlat mai. Pu P.P. Thawla hian han zawt ve sela.

**PU P.P. THAWLA** : Pu Speaker, BAFFACOS pawisa sem dan hi engtianga sem nge ka hre ve chiah lova. Amaherawhchu, ka han zawh belh duh lai taka chu a district wise-a sem danah hian a population tam leh tlem a zir zela sem dan kha tidanglam nge a nih ka hre lova. Ka han zawhbelh duh lai taka chu, Saiha District-ah nuai 65 a ni a. Kolasib District-ah nuai 140 a ni a, Lawngtlai-ah nuai 180 a ni a. District danga mi chu sawi tawhlo mai ila, khami District pathum a danglam dan kha a population kha eng ang takin nge

a danglam tak ? A district a Handbook 2006-a, a district population alan dan zel a tan hi chuan a inhlau hlawm hlein ka hria a. Khalai kha engnge a chhan ni ta ang ? tih ka han zawhbelh e.

**S P E A K E R** : Awle, zawhna kha Soil & Water Conservation Department chhung a ni a. Tuna a zawhna erawh kha chu a hrang ta deuh a. a chhan theih chuan han chhang tho sela a tha ang e. Minister ilo sawm ang.

**PU AICHHINGA MINISTER** : Awle Pu Speaker, Pu P.P.Thawla zawhna kha a BAFFACOS pawisa hrim hrim tuna tamte inhlawhna tur atana semrualna kha a ni a, kan zawhna nen chuan a in relate chiah lova. A population leh an tam dan en atanga Sorkarin a District tinah a semrual mai niin ka hria a. Chulai chu fiah leh zuala han chhan dan, chu mai bak chu ka hre vak lo. Chu chu ni mai sela.

Tin, Pu Rina zawhna a kha Samlukhai lam chungchang thua complaint kha kan dawng ve hauh lova. Amaherawhchu chu Samlukhaia pawisa an hman dan tlangpui nia helaia kan neiha chu, Samlukhai-ah hianin Gabionie Spurs siam zat chu 18 a ni a, Rs. 5000/- hisap zelin siam a ni a. Tin, hnathawh nana an sen zat hi Rs. 90000/- a ni a. Tin, a chhawr tangkai tute chu Sangluaia S/o Suakpuia te, Laltluangi D/o Pazawna te, Rohmingliana S/o Dohlira te, Sangthanga S/o Kaphlira, Rohmingliana S/o Rosiama, Lalhruaia S/o V. Mawia te, Thangthuama S/o Vanthanga, Lavarha S/o J.P. Chhinga, Thanghuta S/o Lalrosiama, Chalthanga S/o V. Mama, Sangliana S/o C.K.Chhunga, Laldina S/o Biakvela, Lalmachhuana S/o Daniela, hengte hi a dawngtu beneficiaries te chu an ni a. Nichina rawn sawi kha chu a dawngtuah hian an rawn ziak langlo hrim hrim a ni mai thei.

**PU LALRINLIANA SAILO** : Pu Speaker, kha kha chu Unstarred Question a ni a, pakuanaah, tah chuan Pu Speaker, kan Minister zahawm tak kha a din laiin Rs. 5000/- a ti a, tah hian a rawn chhanna ngeiah hian a tlem ber singhnih a ni a, lower a pawh kha singli a ni a. Thangthuama singli, Lalhruaia singli, singli, singli singli, singthum vek a ni a, sangnga a rawn tih mai kha engnge ni ? Hei hi Sorkarin a rawn chhanna liau liau a ni si a, kan pe leh nghal teh ang a buaithlak em mai, hei hi V/C ten an complaint an recommend na a ni a. (Pu Aichhinga, Minister : Hmanni lawkah khan Corrigendum an rawn siam a. Chanchinbuah pawh khan an rawn chhuah tawh niin ka hria a. Tihsual palhah ngaihdam dilin Corrigendum kha an chhuah niin ka hria a, chu chu kan hriat chu a ni deuh mai a)

**S P E A K E R** : Corrigendum an chhuah tawh e a ti a, chu chu kan hmu kimlo em ni ang ? Khalaiah khan singli tih te kha sangngaah a tla thla ta tihna a ni maw? (Pu Lalduhoma : Kha kha Minister khan sawichian min tiam thei lawm ni kan ti a ni) Aw kha kha ka ngenna tur a ni. Kha kha kan Minister khan khawngaih takin lo enzui ta sela, tin, Corrigendum an siam anih pawhin helaiah sawichhuah a ni tawh si a, Member te kha Corrigendum an siama te pawh kha min pe thei dawn lawmni tih kha kan ngen a ni. A lawmawm e. Starred Question 43 zawt turin Pu Sailothanga Sailo ilo sawm ang.

**PU SAILOTHANGA SAILO** : Pu Speaker, ka Starred Question No. 43-na zawhna te - a) Aizawl Development Authority hna ber engnge ? b) Town & Country Planning, LAD leh PWD nen khawpui enkawl dan engtingge an in sem ? c) Aizawl Development Authority ah hian Staff engzatnge awm ? d) Thawktu hlawh engzatnge ? tih ka zawt e. e) Office expenditure engzatnge ?

**S P E A K E R** : Chhang turin LAD Minister zahawm tak ilo sawm ang.

**PU H. VANLALAUVA MINISTER** : Pu Speaker, a hmasain Aizawl Development Authority hi ka enkawl Department hnuai ami a ni lova, amaherawhchu, zawhna ka lo dawn takah chuan ka hriat ang angin kan chhang ang a. A chiang tawklo palh anih pawhin zawttu Member zahawm tak leh he House hian min hriatthiamna kan ngen hmasa a ni. Kawnpui bialtu zahawm tak Pu Sailothang Sailo zawhna 43-na a) chhanna chu - Aizawl Development Authority hna ber chu Aizawl khawpui hmasawanna tur hna hrang hrang a tana ruahmanna fel taka siam leh chung ruahmanna hrang hrang siamte tipuitling tura hmalak leh harsatna awmte chinfel an hna pui ber a ni.

B-na - Town & Country Planning leh LAD leh PWD te nen khawpui enkawl na hna hi in sem a ni lova, a tul dan ang zelin an thawkho mai a ni. C-na chhanna chu ADA ah hian Staff 17 an awm mek a ni. D-na chhanna chu thlakhat chhung a thawktu te hlawh senso chu Rs. 1,42,673/- a ni. E-na chhanna chu Office expenditure a tan a sen tawh zawng zawng chu Rs. 7,52,493/- a ni e.

**PU SAILOTHANGA SAILO** : Pu Speaker, zawhbelhna - ADA leh municipal hi lo awm kawp ta ang sela, thuneihna inchuhna a awm thei ang em ? Pahnihna municipal council emaw hi lo awm ta sela



ADA hi repeal a ni ang em ? Pathumna ADA hi amendment siam tumna a awm em tih pathum hi kan zawt belh e.

**PU H. VANLALAUVA  
MINISTER** : Pu Speaker, zawhna neituin an zawhblehna te kha hetiang hi thil awmdan a ni e. Municipal mawhpurna leh a hna tur tam tak hi ADA-ah lo ruahman tawh a niin ADA hi din fel tawh a ni a. Chumi avang tak chuan municipal bill kan put luh tur pawh hi uluk taka enchian ngaiin ka hria a. Chuvang chuan kan House Leader leh Pu Speaker, nangma phalnahnin 'Study Committee' din a ni a. Chu chuan uluk takin a thlir a, a ngaihtuah a. ADA Act leh a Rules te, tin, Municipal Act leh a Rule lo la pian dan turte thlenga ngaihtuahin, party hrang hrang aiawh MLA ten an thlir a. Chuvang chuan Municipal Council emaw Board emaw Mizoram-in a kan neih hunah pawh insubuai lo thei tur ang bera ruahman a ni a. Tin, an thuneihna te double a lo awm kawp a awm anih pawhin dan ang thlapa India Constitution anga din Municipal dan chu a lal zawk zel ang a, thu tawp a ni zel ang tih a ni a.

Tin, Municipal Council emaw, board emaw kan neih hunah ADA hi tih tawp mai tumna a la awm hran rih lova, a theih chin chin a thawk ho tura ruahmanna siam a ni e, tih kha ka chhanna a ni e.

**S P E A K E R** : Starred Question 44-na zawt turin Pu R. Lalzirliana ilo sawm ang.

**PU R. LALZIRLIANA** : Pu Speaker, Printing and Stationery Minister zahawm tak chhan atan - Kum 2006-2007 Financial year chhung hian Department hrang hrang chawmna turin Stationery lei lawkna tur sum engzatnge Printing & Stationery Department hian a neih ? b)- A neih atangin engzatnge a hman tawh ? c)- Stationery lak lawk tawh sa, a man la pek loh leiba a nei em ? d)- Leiba a nei anih chuan engzatnge a bat tih ka zawt e.

**S P E A K E R** : A chhang turin Printing & Stationeries changtu Minister zahawm tak Pu B. Lalthlengliana ilo sawm ang.

**PU B. LALTHLENGLIANA  
MINISTER** : Pu Speaker, Saitual bialtu MLA zahawm tak Pu Zira zawhna a-na chhanna chu - Rs. 50 lakhs a ni a, b-na 50 lakhs a ni a, c-na nei e, d-na nuai 51 lakhs leiba kan nei. Chung zawng chhanna a ni.

**PU R. LALZIRLIANA** : Pu Speaker, zawhbelhna. Heti zat hi leiba kan ni a, Sorkar hian Printing & Stationery hi stationery lak nan an siam a ni a. Mahse pawisa dah hi a tlem tlat mai a hei hi engtizia nge ni kan Minister Lal deuh department atang hian dawr manglo ni tepawhin hriat a ni a. Hengte nen hian insiam rema pawisa hi dah tam lo nge an nih, tih kha ka zawt duh a.

Tin, a pahnihnaah chuan Printing & Stationery department-ah hian Stationery la ve duhlo department hi engzatnge awm? Eng department tenge ni, tih kha a hriat theih mai em? Sorkarin ti tur an tih anmahni order ngei pawh zawm lova hetiang a tih fo mai hi helaiah hian a puan theih em? tih kha ka zawt duh a ni.

**PU LALHMINGTHANGA** : Pu Speaker, ka zawhbleh duh chu Printing & Stationery Department hi Department hrang hrang ten an mamawh ang chi Stationery materials an lakna tur a ni a. Mahse, a tak taka harsatna an tawh ni awma kan lo hriat thin hi Printing & Stationery hian helai khawpui chhung, a bik takin helai Office bawr tamna laiah hian depot hi an nei chiah lova. Chuan department te tan hian urgent deuha mamawh pawh khutah Luangmual lamah lak ngaite a lo ni a. Kha khan harsatna a siam fo niin kan lo hria a. Tin, a cash-a deposit phawt a lak chauh niin kan lo hria a. Chulai chu a long process leh pek a. Chulaiah chuan heng ang harsatna sukiang tur hian helai hnaiah hian depot a siam theih lawm ni tih kha han zawt duh a. Tin, a lak dan system-ah hian Mizofed atangte pawhin POL chu coupon a lak mai a ni a, cash a ti kher lovin. Anih loh pawhin cash pek hmasaka coupon kha issue a ni a. A awlsam viau a, khatiang zawng khan Printing & Stationery hi a kal theih lawm ni? A department hian coupon kha kawl ta mai se.

Tin, department hrang hrang hian engemaw materials tha deuh an lo mamawh ta a. Entirnan - Hemi Legislative Assembly Secretariat-te chuan colour paper te leh quality deuh te an ngaihtuah a. Mahse, Printing & Stationery hian a neih loh changte a awm thin a. Mahse, Printing & Stationery Department pawhin khatiang inrintlak kha a har deuh mai thei a. Department hrang hrang hian an quality mamawh ang chi kha a hmain pekhawm ta se. a nih loh leh Printing & Stationery Department hian zawt hlawm ta se. Hetiang zawng hian Co-ordination tha deuhin hei hi utility tha zawk neiin a siam theih lawm ni tih kha ka han zawt duh a ni.

**PU H. LIANSILOVA** : Pu Speaker, Printing & Stationery hi nikum leh kum hmasa lama Budget Session-ah pawh khan kan sawi tawh a. Tin, Assembly Committee pawhin a en tawh a. Tuna ka hma ami a zawh lai pawh kha Committee pawhin a lo thlirpuiin hmalak dan tur pawh ruahmanna engemaw chen chu a sawipuiin ka hria a. Hemi Printing & Stationery hi

Sorkarin a dinchhan kha a la thlak chuanglo anih chuan tun dinhmun hi Sorkar khanin a enzui tur niin a lang a. Chu chu la tih that tawk loh a ni tih tunah pawh khan a hriat mai a. Chuvang chuan kan Sorkar hian revenue hmuh chungchangah te pawh thahnem a ngai lo thei lova. Chuti anih chuan kan Printing & Stationery hi a nihna tur ang taka policy lo zam anga kalpui a, Sorkar pawhin order department hnenah a lo pek thin a kha zawm nisela chu Department in a Stationery a kan expenditure hi kan State resource ah leh lamah chuan a convert theih niin a lang a. Hei hi Sorkarin lo enzui tha se, hma a la thei lawm ni ? tih kan zawt duh a.

Tin, pahnihnaah chuanin a Department lamah pawh bungrua tam lutuk lova hemi Stationery kan tih pangngai deuh lehkha puan leh Office a kan mamawh ang chiah chauh hian in concentrate sela. Tin, Petromax leh Laltin tih vel nawi neuh neuh a khu ti lovin, khung khu dispose nise, a thain ka ring a. Chu chu Sorkarin a lo enfiah thei lawm ni ? Assembly Committee pawhin khatah khan ngaihndan a siam tawhin ka hria a. Sorkarah hian report a la lut lo nge ni ?

Tin, a pathumnaah chuan, a Department-ah hrim hrim hianin an hmasawmna tur atana revolving fund emaw pawisa an kuta dah hi a tam tawk lo fo thin a. Chu chuanin harsatna a siam te pawh a ni ang a. Chuvang chuan, kan expenditure leh lamah chuan kan revenue resource ni ve mai thei tur a hi Sorkar hian heti zawng hian ngaihtuahna hmangin a lo enthat leh theih lawm ni tih kan zawt duh a ni e.

**PU SAIKAPTHIANGA** : Pu Speaker, zawhbelhna tawi te. Printing & Stationery function dan hrim hrim hi hun rei tak atangin he House zahawm takah hian sawi fo a ni a. A mumal thei chuanglo a. Tiang hian Sorkar hian rawtna emaw ngaihtuahna emaw a siam thei em tih ka zawt duh a. Stationery hi kalsanin Printing chin hi Sorkar hian kalpui mai se, Department hrang hrang leh Sorkar tan pawh hian a fel zawk mai lovang maw ? tih kan zawt ve a ni.

**S P E A K E R** : A chhang turin Minister ilo sawm ang.

**PU B. LALTHLEGLIANA  
MINISTER** : Pu Speaker, Member zahawm tak tak ten kan Department duh thawh takin, duhsak takin min han sawi pui a, a lawmawm hlein ka hria a. Printing & Stationery Department hi a tir takah chuan UT kan nih chhoh hunlaia din an nih khan Mizorama Department awm zawng zawng nitina an mamawh thil chi hrang hrang lei sak a, pe tura tih an ni a. Amaherawh chu, hun eng emawti atang khan ngaihsak loh kan hlawh chho viau a. Tlem lai deuh phei kha chuan nawhalh pena kalkhawm mai mai ang deuh te khanin min han sawi na lai te pawh kha a awm a, a dikna chen pawh a awm a. Ka chhannaah chuan, hnathawk tur min pek loh chuan nawhalh pen a nitin an lo kalkhawm thei hi an fakawm ka ti khawp mai, kei ka thawh vena nisela hetiang khawp a hnathawh tur awmlo anih si chuan nitin ka kal peih ka ring lo tiin ka thiante ho pawh ka chhang thin a.

Amaherawhchu, tunah chuan hei hma kan la chho a. kan hotute pawhin kan mamawhna te, kan tlakchhiatzia te, ngaihsak kan hlwh loh rei tawh zia te hriain hmasawhna chi hrang hrangin min thuam chho zel a. Hemi Stationery bika pawisa indaihlohna hi chu sum indaihlohna avanga min pe tlem niah kan ngai a. Kum engemaw zat mai 50 hian a kal chho deuh reng a, chuan R.E. stage-ah hian nuai 30-40 kumin ah nuai 50 minrawn pe a. Chutiang chuanin engemaw ti tiin kan han in manage hram hram a. Chutiang chuan kan han kal chho a, improvement pawh kan nei chho viau tawh a. A department hnathawh kalphung hrim hrim pawh hi set fel thain kan hria a. Tin, Department dangin min dawr duh loh nachhan nia kan hriat quality chungchangah te, tin, khulai Chhangurkawn depo a zu lak khu Motor nei tan pawh a harsat em avangin dawr, min dawr thalo nia department dang ten thenkhat engemaw zatin an sawi avangin tunah chuan khumi kan controller building hnuaiah khuan sales outlet kan siam a, thla li nga lai a function tawh a. Tin, quality pawh hi kan control a sample approved firm ten anrawn theh lut ang, supply kan pek a, khatiang kha anrawn theh lut ang, supply kan pek a khatiang kha anrawn theh lut loh chuan a lo receive tuten an lo hnar zel tawh a, vawikhat an lo hnar tawh chuan kan duh ang pek a kha an ta a hlawk a ni tih kan hria a, a vawihnihnaah chuanin quality tha tak tak minrawn pe tawh a. Chutiang chuan kan kal tawh a.

Tin, Pu Hminga han sawi pakhat niin ka hria a, khangah pawh khan item zawng zawng Pu Liansailova MLA zahawm tak sawi a baw kang chu, item zawng zawng 300 deuhthaw Printing & Stationery atanga kan khawih thin a kha decentralise item engemawzat kan siam a, 60 vel nichina an han sawi thil han chhe mai nawhalh tih te battery tih te laltin han tih ang chi leh thil tam tak kha kan department dang ten direct a an tih theihna turin kan pe a. A dang paper leh thil dang hetia office ina nitina mamawh an han lam zung zung theih chi anga kha tunah hi chuan kan deal chauh tawh a ni. Pawisa pek tam tih chungchang hi chu kan hotuten kan dinhmun an hria a, minrawn pe tam chho zel turah kan ngai a. Tun tumah pawh hei R.E. stage-ah chuan kum dang ai chuan tlemin minrawn pe tam chho a. Chu chuan kan leiba kan rulh tepawh mi a sutkian pui nasa a, kumthar budget atang hian tuna nuai 51 kan pek zawh loh tlemte la bang a hi kan pe zo leh ang a. Chutichuan a tharin hma kan la thei turah kan ngai a. Subject Committee pawhin min thirpui tawh a, helai House-ah ngei an ngaihdan tepawh anrawn theh lut tawh kha a ni a. Chung chu kan hotute pawhin min hriat sak avangin ngaihtuahna min hman chhohpui zel niin kan hria a, a lawm pawh a lawmawm viauin kan hria a. Khalai kha chu nia, kei hi chuan khati mai chuan ka hre lova, nakinah kan Officer tenen pawh kan lo en anga thil theih tur leh tha zawk anih chuan kan tih pawh a tha mai thei a, kan rawtna pakhat chuan department hrang hrang ten heng stationery material tein tura budget an dah thliah thliah ho a hi hmanna kan Education Minister-in a sawi ang khan an department pawisa an dah thliah thliah hi Printing & Stationery department-ah a pawisa khanrawn transfer ni sela, chuan keinin an mamawh an lak apiang kan lo minus ang a, kum tawpah balance an neih chuan kha kha insiamrem leh nise tih tepawh rawtna kan nei a, mahse ala hlawhtling chiah thei lova, chutiang chuan kan kal chho a.

Tin, MLA zahawm tak Pu Saikapthiangarawn rawtna Stationery hi ban niin Printing chauh hi kal chhohpui nise han tih lai a kha, thil tha tak nia a lan laiin, vawi leh khata thil han tih thut harsa pawh a ni mai

thei a. Printing lamah hian hei kan hotuten kan Chief Minister zahawm takin kan harsatna min hriatpui avangin nuai 140 leh tih chuangin Image Setter leh Four Colour Printing Offset leina pawisa min pe a, chu chu kan lei thar a. Tunah chuan phailama an chhut theih ang chi zawng zawng Colour tha tak tak chi te kan chhu thei tawh a. Darkar khatah copy sing chuang a vawm chhuak thei tawh a. Chutiang chuan printing lamah pawh hma kan sawn a. Amaherawhchu, a thawhdan kalphungah insiam rem tur thil thenkhat a la awm a. Chungte pawh chu kan en chho zel a. Budget min pek a tlem kan tih lai hian Printing & Stationery-a pawisa min pek hi hmanral, expenditure a awmlo va. Minrawn pek apiang ti khan thil dang lei nan kan hmang a. Anrawn indent a. An indent-na pawisa kha Sorkar sum lamah Challan hmangin kan vawm lut leh zel a. Expenditure a awm hran lo a ni. Hemi stock suspense leh material leina tura pawisa min pek hi. Chuvang chuan, kum lo kal turah hi chuan tuan kan dinhmun ang ni lo deuh hi chuan kan kan beisei a. Pu Liansailova, MLA zahawm takin din anihna anga kalchhoh leh hi a tha lawm ni? a policy pangngai sawn a la ni si lova a tih pawh kha, chutiang pha tur chuan tunah kal fel theih thuai chu kan inring a. kan beisei bawka ni. Chung chu ka han chhanna tlangpui chu a ni e. ( Pu Lalrinliana Sailo : Nuai 51 a ti a, Unstarred ah khan kar hmasaa chhuakah khan 91 khan a inziak bawksi a) kha kha chu material supply, Stationery leh material a inkawp vang a ni e.

**S P E A K E R** : Le, Pu H. Vanlalthaliana Starred Question 45-na zawt turin ilo sawm ang.

**PU H. VANLALTHALIANA** : Pu Speaker, Starred Question 45-na, kan Minister zahawm tak FCS & CA changtu chhan atan ka zawhna a)-na - Mizoramah FCS & CA Godown engzatnge awm? b) Mautam tam hunah Thingtlang mite mamawh chhekkhawmna Godown a awm em? tih a ni.

**S P E A K E R** : A chhang turin Food, Civil Supply & Consumer Affairs Minister zahawm tak Pu K. Sangthuama ilo sawm ang.

**PU K. SANGTHUAMA MINISTER** : Pu Speaker, Lawngtlai bialtu MLA zahawm tak Pu H. Vanlalthaliana zawhna a-na. Mizoram Food Civil Supply & Consumer Godown engzatnge awm? tih chhanna chu, Mizoram pumah hian Food, Civil Supply & Consumer Affairs Department hnuai hian Supply Godown 188 a awm e. Mautam tam hunah thingtlang mite mamawh khawp buhfai chhekkhawmna tur godown 188 a awm e.

**PU H. VANLALTHALIANA** : Pu Speaker, zawhbelhna, Damdep Godown hi function tir tumna a awm em ? tih ka zawhbelh e.

**PU H. ROHLUNA** : Pu Speaker, Mautam tam huna thingtlang mite mamawh khawp dahna tur buhfai kudam a awm chung khan Sorkarin Mautam tam chhawmdawlna tur bik buhfai a la pechhuak lo niin a lang a. Normal-a FCI atanga kan lakluh bak hi tunah hetah Unstarred Question No. 56-na Saitual bialtu zahawm tak zawhna chhannaah khan a lang a. Sorkar-ah allocation dil mek a ni a, pawisa pawh dil mek a ni, tih a ni. Tunah hian Mautam kan hmachhawn mek chu a ni a. Khaw tam takah nikuma buhfai an tuh zat pawh thar lo an awm a ni a. Chuvang chuan allocation pangngai hi chuan a lungngaihthlak a ni. Chu chu a nih avangin tunah hian Sorkarin ngaihtuhsak vat a tum em ? Tin, department lam pawhin hemi atan hian tan lak zel a tum em ? tih kan zawhbelh duh a.

Tin, Godown leh Retailer leh bukna hi a inkaihnawih tlat zel mai a. Chuvang chuan Retailer bukna atan hian Food & Civil Supply Department in cerelac bur hi an pawm em ? tih ka zawhbelh duh a. Ka bial Hnahlanah khian retailer 3 an awm a, Cerelac bur ruak hian an teh thin a. 10 kgs-a an the hi 6½ kgs te bukna pangngaia an han teh hi chuan a ni a. Chuvang chuan a lo thlawnin mipui rethei tak pawisa hi retailer te hian an eisak thin tih Sorkarin a hria em ? Tin, hetiang a tih ching retailer te hi a ban dawn em ? An chungah action a la dawn em ?

**PU LALDUHOMA** : Pu Speaker, Session hmasaah khan BPL ten an quota 35 kgs an dawng lo a ni tih kha tarlan a ni tawh a. Tunah pawh hian la dawnglo hi engemaw zat an awm a ni tih hi Sorkarin a hria em ? Khawimaw laia retailer thenkhat ten 30 kgs emaw a aia tlem emaw 35 kgs tlinglo a an pek an la awm em tih hi Sorkarin chhuiin action lak a tum em tih ka zawt duh a.

Tin, BPL leh AAY buhfai dawngtute hi APL buhfai allotment-ah hian an tel tho niin a lang a. BPL an nih avanga quota pangngai la thei lova siam hi a dik em ? An dawng ve tho tur a ni em ? A nih chuan an dawn leh dawn loh Sorkar hian a enfiahin, dawng turin a tanpui dawn em tih ka zawt duh a. A pathumnaah chuan, Weight Bridge privatise tumna a awm em ni ? Engchenge Sorkarin a lak tawh tih a ni.

**PU H. LIANSILOVA** : Pu Speaker, BPL leh IAAY-ah khanin November thla vel khanin Aizawl hmun dang ka hre lova, khawpui chhung hmun thenkhatah BPL family tih tlem tur a ni a.

A list submit that tur a ni, tiin Village Council leh BPL family ten an buaipui viau mai a. Kha kha engvanga tih lo tul ta nge ni? BPL family tih hniam a tulna chhan kha kan economic dinhmunte a lo tha deuh ta a. Paih then tur heti zat hi an awm e tih avang nge Central atangin, Hetiang hian lo insiam rem rawh u, tih vanga kha kha ti tih kan zawt duh a. Tin, khatianga department lamin order an rawn siam ang tak khanin tih tlem a nih takah khanin a harsatna eng angin nge a harsatna a enzui tih ka zawt e.

**S P E A K E R** : Khi minute 6 chiaah a awm tawh a, pali lai a ni tawh bawk a, i duh tawh ang u. Chhang turin Minister sawm ila godown atangin BPL kan kai a ni a, a theih chuan han chhang tho se a tha ang e.

**PU K. SANGTHUAMA MINISTER** : Pu Speaker, MLA zahawm tak zawhna Damdep Godown hi function tumna a awm em? tih kha Godown hi kan ngah a. Tin, Godown kan sak hian Godown hrim hrim a hi dah tel belh hi chu kan duh dan a ni a. Mahse thawktute indaihloh avangin duh angin dahbelh a har a. Tunah hian Mautam tam kan thleng dawn a. Heti laiah pawh hian rualkhai taka Godown hi dah theih nise a tha a, tumna pawh a awm a. Tin, sak pawh kan sak belh a. Chutihlai karah chuan kan harsatna ber chu a thawktu Storekeeper, IV Grade te dah zel a ngaih avangin duh angin dah belh theihna kan nei loh avangin hawnbelh hi thil harsa a ni. Tin, Damdep bikah hi chuan kan en a, tunah hian tihbelh theih kan nei em tih ngaihtuahna kan hmang mek a ni.

Tin, Pu H. Rohluna zawhna, Mautam hmachhawanna atan kan buhfai allocation a tam tawh lo anga ngaih hi tihbelh tumna a awm em? tih hmanni khan kan Chief Minister hovin kan sawitlang a department te nen. Tuna min pek ang ngau ngau hi chuan buhfai hi kan tla tawhlo hrim hrim a. Tin, Central Norms ah chuan (Speaker: Khawngaih takin hei 11:30 Am a ri a, zawhna awmsa a chhang zo law law dawn em ni ang; a nih leh aw) Central norms ah hian buhfai 35 kgs. Chhengkaw khat tan thlakhatah a ni. Chuvangin, hei hi kan tla lo hrim hrim a. Central norms anga min pek chuan nikum April thla ah khan Buhfai min pek ang chi hi min lo tihtlem sak vak a, hetiang chuan kan tla lova. Chuvang chuan min pek belh loh chuan tihngaihna a awmlo tiin Delhi ah ka zu kal a. Tahchuan, buhfai hi in duh belh anih chuan a man toin in lei ve mai loh chuan Central Norms ang bak hian India ram pumpui State-ah kan kal thei lo an ti a. A nih chuan chutianga a min pe theilo anih chuan kan lei belh ve mai ang tih hi Chief Minister te nen kan sawi khawm a. Thla khatah 30000 qtls. (singthum) a manto in Rs. 9.50 Aizawlah kan lei ve ta a. Rs. 9.50 thoin tunah hian Retailer-ah kan pe leh a. Tunah hian subsidy mipui

hnenah State Sorkarin kan pe ve a. Chuvangin tunah hian 30,000 qtls. thla tin lakbelh pawh hian duh thu a la sam lova. Engpawh nise Central Sorkar-ah i la dil leh ang kan ti a, kan dil leh a. Hmanni pawh khan tlem min lo tihpun sak a, mahse kan duh khawp ala nih loh avangin mautam tam a harsat lohna turin State Sorkar in a man tlawm a min pek a hi a man tlawm bawkin dil leh ila. Hei hi min pe theilo anih pawhin a manto zawk 9.50 pawh hian kan tla khawp tur i lei mai ang u tiin hmanni lawk khan kan Chief Minister hovin kan sawi ho a. Chuvangin, kan tla tawh ang hi chu kan Sorkarin tunah hian ruahmanna Central Sorkar-ah a thehlut mek a ni tih kha kan sawi theih ni sela.

Tin, pahnhnaah hei bukna hi kan hria a, a chhun dik a har khawp mai a, Cerelac bur hi chu kan pawm lo hrim hrim a. Amaherawhchu, Thingtlang-ah hian a bukna te an lo nei thin lo em ni, a bukna hi lei ve mai tur a ni a. Instruction pawh kan pe ngun hle mai a, kan Storekeeper te hnenah hian, a buk hian buk vek tur a ni a, buklo an awm anih chuanin hei hi man tur a ni, a te pawh kan ti a. Engpawhnise, hemi kawngah hi chuanin buk dik kan duh a, retailer ten a buk dik taka an buka hi kan mipuiten la se an tih kan duh dan ber a ni a. Chutih lai karah erawh chuan thingtlangah te heng khawpuiah tepawh diklova buk tawh chu an awm mai thin. Engpawh niselangin, kan MLA zahawm tak Pu H. Rohluna'n a zawhna hi a dik thei ang bera tih kan han tum leh ang a, hremte pawh kan nei ve nual a, hetiang laiah hian rin ai tak hian retailer hi a sang a sang tel nei kan ni a, a zavai hian a dik chu kan ti thei hauh lova, a tlangpui thua erawh chuan tunah hian kan buk dan pawh hi a ziaawm chho zelin kan hria a, theih tawp helaiah hian kan han chhuah chho zel ang a. A ti diklo thuawilo lutuk ang hi chu a dik chiahin retailer ban pawh kan nei nual tawh a nia. Retailer mai nilovin a dangah pawh hian Storekeeper te ang chi a pawh hi ban kan ngah tawh a tunah hian. Chuvangin, theih tawkin Sorkar hian hma a la a, ti diklo na na na hi chu action lak zel Sorkar pawhin a tum a, kan la zel bawh a ni tih kha min hriatpui kan duh a. theih tawp kan han chhuah leh ang a, helaia ti diklo ngiala hi chu retailer tu a pawh ni ta sela, a ban hi kan hreh em em lova, ban pawh kan ban a, ban pawh kan ban zel ang tih hi kan chhanna pawh nise, a thain ka ring.

Tin, Pu Lalduhoma, Ratu constituency MLA zahawm takin a rawn zawhna Kg 35 tur a ni a BPL te hi. Amaherawhchu, a dik chiah a buk a lo har khawp a niang, hengte pawh hi kan tingun viau a, a diklo tih te pawh ka hria e heng hi. Amaherawhchu, a dik thei ang bera buk tur hian kan ti reng a, kan Storekeeper te, kan V/C te, hetiang lama enkawltu Committee kan siamte pawh instruction kan pe thin a, heng hi rawn report rawh u kan ti a. report tam tak pawh a awm a, chungte chu action pawh kan la a, amaherawhchu, 35 kgs khera buklo hi chu waviinah pawh kan pha lova, a la awm thovin ka ring. Mahse, theihtawp kan han chhuah ang a, a dik thei ang bera buk tir kan lo tum dawn nia.

Tin, BPL leh AAY la te hian APL hi an la la ve thei tho va, lo lak tir lo an awm emaw, an chanpual ve a ni lo ti emaw a ngaihtuahna lo siam in sawm anih chuan kan lo hrilh nawn leh ang a, BPL anih avangte AAY la anih avangte hian hetah hian chanvo APL atang hian an nei ve tho tih



kha kan zavaia hriat atan han sawi nawn leh ila a thain ka ring a. Khawi emaw laiah retailer ten pek duh loh an nei emaw an chanvo BPL. AAY ten an chanvo an la anih chuan rawn report zel nise a thain ka ring a, hei hi an la ve ngei tur a ni, a leina an nei lova an lei lo anih chuan thudang nisela.

Tin, Weight-bridge hi tunah hian siam leh kan tum a, tun hmaa kan weight-bridge kha a chhe vek tawh a, tunah hian a pawimawh zual hi chu wight-bridge thar lei a privatise emaw a tihdan kawng chu kan la ngaihtuah ang a. Sorkarin sum a leina min pe tawh a.

Tin, Pu Liansailovan BPL leh AAY tihlem chungchang kha hei hi Central Sorkar-ina a tum dan ber chuan kum tin a tlem hret hret tur a ni a. Hma kan lo sawn a, nikum aia kuminah hian tam zawk tur a ni lova. Kuminah aiin nakumah a tam zawk tur a ni lova tih hi min hrilh ngun hle a. Kumin ai chuan 2007 aia 2008 ah chuan a tlem zawk tur a ni. Central Sorkar-in an ti a. A nih loh chuan ramin hma a sawn love, kan rethei zel tihna a ni ang. Kum tinin a tlem lamin kan kal tur a ni tih hi Central Instruction a ni. Chutih laiin hman deuh khan Pu Liansailova zawhna hi khawpui ami hi thingtlang lamah pek belh ila, khawpui ami hi titem deuh ila a tha awm e tih ngaihtuahna a awm a. Mahse, ngun taka han ngaihtuah khan khawpuia BPL leh AAY pekte pawh hi in leh lo neilo mi inhnuai luah te, a thlafema awmte an nih avangin engpawh nise, hei chu a pangngai ang hian kal se a tha ang e tiin kan Chief Minister te nen kan sawitlang a. Chuvangin, hei hi titem bik lohin a ngai ang khan kan kal leh dawn a ni.

**S P E A K E R** : Question House a tawp a. Tunah chuan Report Present na hun kan hmang ang a, Pu Lalduhoma, PAC Chairman-in Report 3 pek tur a nei a. Report 27, 28, 29 nate a rualin han present sela.

**PU LALDUHOMA** : Pu Speaker, i phalna leh House remtihain '27<sup>th</sup> Report of PAC relating to Public Works Department', 28<sup>th</sup> Report of PAC relating to PHE' leh 29<sup>th</sup> Report of PAC relating to Public Works Department' te hi he House zahawm takah hian ka present e, ka lawm e.

**S P E A K E R** : A copy sem ni se, Committee hrang hrangte hi an active hlein ka hria. A lawmawm a. PAC pawh Report 29 na an present thei tawh a nia lawmthu kan sawi a ni.

Tunah kan Health Minister zahawm tak Pu R. Tlanghmingthanga, 'The Mizoram Clinical and Health Establishment (Regulation) Bill, 2006' House-ah introduce phalna han dil sela.

**PU R. TLANGHMINGTHANGA :** Pu Speaker, I remtihain 'The Mizoram Clinical and Health Establishment (Regulation) Bill, 2006' he House a introduce ka rawn dil e.

**S P E A K E R :** Kan rem ti em? Kan rem tih chuan kan introduce nghal sela.

**PU R. TLANGHMINGTHANGA :** Pu Speaker, I phalna leh he House remtihain 'The Mizoram Clinical and Health Establishment (Regulation) Bill, 2006' ka rawn introduce e.

**S P E A K E R :** Bill dang introduce tur kan la nei a, kan Law Minister Pu H. Rammawi. 'The court Fees Mizoram Amendment Bill, 2007 House-ah introduce tura phalna han dil sela, ilo sawm ang.

**PU H. RAMMAWI :** Pu Speaker, The Court Fees Mizoram Amendment Bill, 2007 he House-a introduce ka rawn dil e.

**S P E A K E R :** Introduce kan remti em? Kan remti a, rawn introduce sela.

**PU H. RAMMAWI :** Pu Speaker, The Court Fees Mizoram Amendment Bill, 2007 hi he House zahawm takah ka introduce e.

Pu Speaker tah hian Amendment pahnih a awm a. Amendment tih a awm a, The Court Fees Mizoram Amendment Bill tih a ni. Mahse, kan dan thiam miten a dik an ti a. Helai double a hi kan sawi nghal duh a ni. Ka lawm e.

**S P E A K E R** : Kan Law Minister - in Amendment Bill, 2007 chu a rawn introduce ta a, a copy kha sem nisela.

Tunah chuan financial business kan la ang a. Supplementary Demand for grant for the year 2006-2007 kan ngaihtuah ang a, hmannah ang a, hmannah 15.3.2007 khan kan Chief Minister-in Supplementary Demand for Grant hi a rawn pharh tawh a. Tun hma phei chuan sawi ho lovin kan pass thin a. Amaherawhchu, Assembly hmasa term lai hawl vel atang khan sawifiahna hman theih kha tha kan ti a ni. Kan hrilhfiyah duh hun atan hmang leh ila a tha ang a. member in minute 5 aia reilo nise.

**PU LALRINLIANA SAILO** : Pu Speaker, nikum lamah khan Medical treatment ah khan Demand 15-na ah Rs. 1188.01 kha a ni a, R.E. ah hianin tuna explanatory note-ah hianin 107525 kha Government Health Insurance Scheme atan khanin mamawh a ni a, a rawn ti chho a. Tunah hian kan sawi pawlh tho ang a. Medical treatment ah department hrang hrangah hian a awm mang tawh lova, engemaw lo laklawh vel te a ni mai thei a, SAD ah point 2060.10 a lo ni a. Hemi ICICI Lombard hianin helaiah hian an chhungkhawm vek ta nge ni ? Helai hi sawifiah deuh dan a awm em aw ? ka ti a. Nikum chhung zawng khan medical treatment ah khanin ka chhut dan hianin nuai 3650 leh point kha department hrang hrangin an sem kha a ni a. Hei Department zawng zawng demand atanga ka han chhut chhuah hian.

Tichuan engnge ni helaia hi alo chhuan dan helai te a hi ka hre thiam lova, tam tak chu awmlo mahse, chuti chauh chu ka hrefiah loh deuh a. Nuai 1700 leh tih a lo luh chhoh dan hi khalai te kha.

**PU H. ROHLUNA** : Pu Speaker, kei pawh clarify tur chauh a ni a, hemi demand No. 45-na Sub Head 7-na Construction of Saitual - Saichal - North East Bualpui - ah hian nuai 849 dah a ni a, tichuan, a pheh lehlamah Demand No. 45 tho Sub Head 3-na construction of Saitual - Saichal - Ngopa river Tuivai tih velah hian nuai 249 leh sing 9 dah a ni bawk a. Hei hi kawng pakhat ang si, engtia hetai Sub-Head hran ve ve a kawng in ang tho si a awm a. Pakhat Tuivai va thleng a pakhat Saitual North East Bualpui, a tawp bawk si tih lai kha min hrilhfiyah theih chuan ka lawm khawp ang.

**S P E A K E R** : Le, tunah kan Finance changtu kan Chief Minister zahawm tak khangte leh thil dang sawi tul a tihte supplementary demand-ah hian han sawifiahin pass han dil nghal sela, a tha ang e.

**PU ZORAMTHANGA CHIEF MINISTER** : Pu Speaker, Supplementary Demand tih hian Department changtute an lo kim vek tawh lo bawk a, a minor deuh hlek a hetia zuk tih hian, keini pawh kan lo hre seng bik mang

lova. Engpawh nise, clear loh laia chu a department chan a kan tihah khan kan Member zahawm takte khan han point out leh sela. Hemi ni lo a dangte pawh a la awm teuhin ka ring a. Vawiina ka en hman loh tepawh a department bika kan lak hunah khan khangte pawhrawn point out leh zelzela a that ka ring a. Keipawh kan member zahawm tak te pawh an sawi kha kan zawng chawp chuk chuk a, lehlam pawh kha ka la en hman bik chiah lova. Amaherawhchu, kan Member zahawm tak Pu Rina'n an zawh kha chu nuai 1725 dah chungchang thuah kha chuan hei, kan tih dan pangngaiin kan medical re-imburement-ah hian kum khatah crore zawngin sawi ta ila. A nuai pawhin a sawi theih ang a. crore 30 atanga 40 inkar bawr 36 vel, nuai 3600 han dah pawh kha a daih meuh thin lova. Crore 40 lai nuai sing 4000 lai tein a tlinkhawm meuh hi chuan a ngai nghe nghe thin a. Chuvangin khami tur ang buatsaih khan medical re-imburement ah khan kan lo dah khawm a. Amaherawhchu, kum laklawhah ICICI Lombard-ah khan kal kan lo tih tak avangin 40 crore deuh thaw ngai tura kan ngaihah khan 17.25 crores khan kumkhat chhung kan, lo tlingtlak theih dawn avang khan, kha kha a tira kan vote na ang kha a ni silova. Supplementary Demand a dah a lo ngai ta a. Kha kha kan rawn tih lehna chhan kha a ni a. Kha khan Department dang zawng zawng ami pawh kha a huam vek ang a. Amaherawhchu, thenkhat hemi ICICI Lombard kan introduce effective a kan hma a department thenkhat lo kalpui hman medical re-imburement a awm bawk a. Chung chu eng emaw zat pek pawh kan nei tho bawk a ni.

Mahse, a tlangpui thuin 17.25 crore a kan in tlingtlak theih phei chuan a chanve velin kan tlingtla dawn a ni a. a lawmawm khawpin kan hria a. Chu chu ICICI Lombard a nuai 1725 kan han dil lehna chhan kha a ni a. Khabak MR ah chuan tlem a zawng pek chu a awm a. Mahse, hei hian a department zawng zawng a huam vek e. Chu chu min vote sak rawh u. Supplementary Demand a kan rawn tih na chhan hi a pawisaah phei chuan kan hmang zo lova. Mahse, a head kan pekna lai leh kan zuk pekna tur kha a in ang tak loh avangin hei hi min vote sak a tulna chhan chu a ni e tih kha nisela.

Tin, helaia kan member zahawm tak Pu Rohluna han zawhna kha ka lo enchiang hman chiah lova, ka keu chhungin lehlamah a kai hman a. Engnge kan zawt leh ang a. Phek 96-na 13-na construction of Saitual, Saichal, Ngopa to River Tuivaia 249 lakhs dilna leh engnge pakhat i sawi kha ka lo en hman ta lova.

**PU H. ROHLUNA** : Pu Speaker, phok 95-na sub-head 7-na Construction of Saitual, Saichal, N.E. Bualpui tih kha, a kawng inang ni tho si a pawisa hetia dah hran taka awm hi engnge ni? Helai hi kan zawt mai a ni.

**PU ZORAMTHANGA CHIEF MINISTER** : Pu Speaker, Saitual leh Saichal to Ngopa leh River Tuivai 13-na, kha a ni a. Tin, heta mi kha Saitual to Saichal a ni a, kha kha 849, 7-na a mi kha a ni a, pakhat erawh chu Saitual to Saichal ni mai lovin Ngopa river Tuivaiah 249, kha kha Saichal atanga liam leh tawhna river Tuivai thleng khan a nih avangin kha kha chu a dan a dang a, a detail tak erawh chu hemi chin tih lai tak kha a explanatory notes-ah khan a awm chiah lova, engpawh nise, khami a then hran a chu nakinah detail zawkin a department nen kanrawn en ang e. heti mai chuan a then hranna chin kha tlem chuan a in ang lo deuh hle, upto Saichal leh Tuivai a nih avangin a then hranna kha chu nakinah kanrawn hrilhfiang ang e tih kha ka sawi theih ni mai sela.

Pu Speaker, hei Supplementary Demand hi kan hriat theuh a tirah budget kan han pass a, hetiang anga hman tur a ni e kan ti a, a chi hrang hrang nen khan normal budget pangngai ang khan kan han pharh ta a. Amaherawhchu, chumi chhungin pakhatnaah Central Sponsore Scheme lam side a lo kal te, additional a kan hmuh belh pawisa tam tak a tira budget kanrawn putluh a awmlo kha hman a lotul ta a. Chung pawisa hmang tur chuan he kan House phalna lo hian cheng khatmah hman theih a ni silova. Chung chu hman phalna min han pek leh a ngai ta a.

Tin, chulovah department thenkhata kan han pek a kha an lo mamawh lo emaw, an hmang seng lo emaw a lo ni ta a. Khang ami kha lak sakin R.E. stage-ah department dangah leh tin, an mahni department-ah tho bawh Head hran deuh hleka hman te a lo tul leh ta a. Chung chu a tira kan pass ang taka hman a lo nih loh dawnkhan he House-in a min vote puia min pass sak loh chuan tih theih a lo ni ta lo bawh a. Chung zawng zawng chu kan han adjust ta a, a then a belhna hrim hrimte a then kan lo pass tawh sa siamremna te, chung chu vote a lo ngai ta a. Tin, Vote hrim hrim tur a then anih laiin athen chu charge kan vote lova kal tur chite pawh kha arawn sawi hran vek bawh a. Voted-ah chuti zat a ni a, charge-ah chuti zat a ni tih arawn ziaak bawh a. Chuvangin, kan member zahawm tak ten heta tuna kan han en hman loh tuna ka sawi ang khan nakinah Demand wise-a kanrawn kal hunah zawhchian leh zel turah dah ta ila, vawiina tan erawh chuan a total a chu Pu Speaker, kan hmuh ang khan nuai Rs. 59,145,31 a ni a. Amaherawhchu, khatah khan charge kha Rs.3809.92 lakhs anih avangin a vote ngai taka chu Rs. 55,335.39 a ni ta a ni. Heng hi he House hian phalna min pe a min vote sak turin ka dil a ni e.

**S P E A K E R** : Tunah chuan kan Supplementary Demand Programme, 2006-2007 kan Chief Minister ina a rawn pharh kha pass remti apiangin 'remti' ti rawh ule. Remti lo kan awm em? Remtilo kan awm chuan 'remtilo' ti rawh ule.

Awle, tikhan he House zahawm tak hian Supplementary Demand for Grants 2006-2007 atan Rs. 591,45,31,000/- lungrual takin pass a ni.

Tunah Legislative Business-ah kan kal zawk ang a, tuna Supplementary Demand for Grants kan han pass taka kha a hman phalna a la ngai a, chumi atan chuan 'The Mizoram Appropriation No. 1 Bill, 2001' rawn introduce turin Chief Minister ilo sawm leh ang.

**PU ZORAMTHANGA  
CHIEF MINISTER** : Pu Speaker, tuna kan han pass tak kha hman phalna, 'The Mizoram Appropriation No. 1 Bill, 2007' hi House-ah hian introduce ka rawn dil e.

**S P E A K E R** : Kan remti em? a lawmawm e. Sawi vak tur pawh a awm lova, sawi ngai han sawiin pass han dil nghal mai sela a tha awm e.

**PU ZORAMTHANGA  
CHIEF MINISTER** : Pu Speaker, 'The Mizoram Appropriation No.1 Bill, 2007' hi ka rawn introduce a, a bill a kha han sem sela. Pu Speaker, nichina ka sawi tawh ang khan han sawifiah tur tehchiam a awm lova, a vai hian hemi hi vaibelchhe zanga sawmkua pakhat nuai sawmli leh panga singthum leh sangkhat a ni a. Tichuan, kan House zahawm tak hian he Mizoram appropriation No. 1 Bill, 2007 cheng vaibelchhe 591 nuai 75 singthun leh sangkhat hi he House zahawm tak hian min pass sak turin ka rawn ngen e.

**S P E A K E R** : Awle, 'The Mizoram Appropriation No. 1 Bill, 2007' chu a Bill neituin pass a rawn dil a. Pass remti apiangin remti ti rawh ule. Remtilo kan awm em? Kan awm chuan remtilo ti rawh ule. Remtilo kan awm lova, Chuvangin 'The Mizoram Appropriation No 1 Bill, 2007' chu House-in lungrual takin a pass ta a ni.

Tunah chuan vawiin atana kan business hnuhnung ber kan ngaihtuah chho ang a. Financial business a ni a. Chu chu General Discussion on the budget for the year 2007-2008 a ni. Hun chep lutuk lova member tin ten kan sawi theih nan BAC in hemi hun atan hian vawiin leh naktuk hi a ruat ani a. Nidanga kan tih thin ang khan minute 15 member te hun inpe leh ila a tha mai em? Kan Group Leader-te erawh chu hun kan pe tam leh deuh ang a. Tichuan tunah budget General Discussion hun kan hmang ang a. Thahnemngai takin i sawi tlang teh ang. Tunge han sawi hmasa ang? Naktuk chu a va adjourn theih awm ve sawi tur kan awm loh chuan. Pu Zodingluanga.

**PU ZODINGTLUANGA**

: Pu Speaker, ka lawm e. Hei kan Budget Speech te kan House Leader ina helai kan House zahawm tak ni 15-a a rawn neih te kha han en hian a hma nia kan sawi tawh

kan Governor zahawm tak ina a Speech chhahpui ang deuh kha ni maiin ka hria a. Nikum lam khan phek 10 chauh mai Budget Speech ah khan a nei a. Tun kum chu phek 30 lai mai a rawn sawi se leh teuh mai a. Nakum in thlang tur kan ni a, tullo deuh te nen an rawn phuah leh teuh emawni chu aw ka ti. A Budget Speech leh kan budget te han en hian Pu Speaker, thil thar em em kan ram leh kan hnam leh mipuiten kan chhawr tur tun kum maiah mau a tam dawn a, mipuiin kan tuar dawn a, khatiang ang te tana thil tangkai tur thil thar em em han hmuh a awm lova. Kan budget hi direction awmlo a ni ber maiin a hriat a ni. Han en ila nikum amite, nikum hmasa lamte kan han en a Pu Speaker, pawisa chu a rawn pung ve a, plan allocation te pawisa punna nen hian a figure hi a danglam a ni ringawt mai a. Kum thar leh Sorkarina mipuite tana thil tha mipuite intodelhna tur te, mipui hamthatna tur ang chi han sawi leh khatiang hmalakna kha a awmlo reng reng mai a. Kan pawisa hmuhte hi a figure kim tin a dang ringawt mai hian. Chuvang chuan Pu Speaker, kan budget hi budget tha leh mipui tana hlawkna awmlo niin ka hria a.

Tin, Pu Speaker, nakinah I dinglam amite Mamit bialtu ten thiam tak takin pawisa kan hmuh belh te hi a va lawmawm em an rawn ti leh dawnin ka hria a. Kan pawisa hmuhbelh hi Pu Speaker, a lawmawm rual hian kan hmanna hi kan chhut tel thin lova. Tunah hian Pu Speaker, pawisa kan hmuhbelhna ang hi development leh mipui tana hmanna hi a tamlo em em a ni. Entirnan, Major Department deuh Department lian ho hian ti bik ila, School Education-ah chuan nikum aiin cheng nuai 3139.7 in pawisa a tam a. Amaherawhchu, kan han bih chian chuan salaries a a punna kha cheng nuai 3100.7 tho a ni a, a awmzia chu 98.76% kha Salaries & Wages hlawhah a kalral nghal ringawt mai a ni. Khatiang deuh khan Home Department-ah tepawh a ni a, pawisa tam takin nuai 2053 in nikum ai khan a pung a. Amaherawhchu, a pung pawisa kan pek ai khan Salaries pung kha Salaries & Wages ah khan nuai 2480.25 kha a kal liam daih a ni. Chutiang chuan Department hrang hrangah hian kan pawisa pung kan dahnte hi mipui lam a kal lova Sorkar hnathawk hlawh leh Office expenditure ah te Other Works kan tih neuh neuh hetiang pawisa hmanna tur awmsaah hian an hmang zo vek a. Chuvang chuan, kan budget pungte pawh hi a ram mipui tante kuthnathawk tute a thleng phalo em em a ni tih hi ka rawn sawitel hmasa duh a ni.

Tin, nichina kan rawn sawi tawh ang khan kan budget hian awmzia a neilo tih a chianna em em chu kan House Leader ni bawh kan Finance Minister ni bawh ina ama Speech a a rawn sawi hi a chiang em em ka hria a. Kum 1998 ah khan kan Mizoram Financial dinhmun a chhe tawh em a, Major operation a ngai a ti a. Hei kum riat budget vawi 9 Pu Speaker, helaiyah hian a pharh tawh a. Chuta a rawn sawi ve theih chu helai page 1-na atanga a sawi hi as Compare with the estimated real growth rate of 6% by the Twelve Finance Commission, this growth is seen as satisfactory given the poor basic infrastructure in the economy. Vawi 9 budget pharha Finance Minister ni chung a poor infrastructure anga kan la inchhal rengah te hian Financial Management a kan chak tawh loh zia hma kan sawn loh zia hi a tilang chiang hlein ka hria. Chuvang chuan Pu Speaker, vawiih hian kan budget te hi thingtlang lamte mirethei zawk inhlawhna turah te hian dah tam zawk nisela a thain ka hria a.

Tin, hei mithiam te chuan Finance an sawi hian chhiah lakna turah te hian mipui a nawlpui hnenah te hian an la lo thin a, miretheite khawihlo zawngin. Vawiih chuan khatiang ang Finance a la lut tur kan public sector te chu pawisa la lut tur zingah khan minus ang zawngin beisei a ni a. Hengte hi Finance lama chak kan ni thei ang em ? Public Sector te Revenue la lut tura kan beiseinaah a minus anga an han beisei te hi zero takin dah se chuan Public Sector tepawh khan tan an la ve ang a. Minus anga Budget Speech-ah te pawh minus atanga Revenue hmu tura an ngai nghal anih chuan kan Public Sector te hnenah hian Pu Speaker, hlawh kan pe ang che u ang a, in thawh chhuah loh pawhin in duh duh in awm rawh u tihna ang maiin a ngaihtuah theih dawn a. Chuvang chuan, ngaihtuah tur a ti tam em em a.

Tin, nichina kan sawi tawh a tawp ber atan Pu Speaker, kan budget pumpui han en hian 40% dawn hi Sorkar hnathawk Mizoram population-a 4% velin a an hman tur an Salaries leh Wages-ah a ni a. Chumi piahlamah chuan Other Charges te, Office Expenditure te zawng zawng belhkhawm phei chuan 70% dawn hi hmanral a ni a. Mipui 96% ina kan hman tur hi a tlem em em a ni. Chuvangin, Pu Speaker, vawiih nia kan budget hi budget tha ni lovin, mi retheite thlang phak budget a ni lo a ni tih hi tawitein ka rawn sawi ve a ni e, ka lawm e.

**PU SAILOTHANGA SAILO** : Pu Speaker, minute engzat tur nge kha ? Pu Speaker, kan budget siamtute hnenah a hmasain lawmthu ka sawi duh a. Ka hmuh ve danin budget tha tak leh ngaihnawm tak kan Finance Department hotute thawh rahna leh remhriatna azarah kan nei thei hi lawmthu ka sawi duh a. Chutih rualin Central Sorkar leh Planning Condition hnenah lawmthu ka sawi duh bawh a.

Pu Speaker, kan budget siamtute hi Sorkar tan thahnem an ngai hle mai a, chhiah thar lakna tur awm tawhlo tura ka mimala ka hisap laiin chhiah thar lakna turte pawh a rawn tilang leh a. He budget --a langsar zual, ngaihnawm ka tihzualte ka sawilang ve duh a.



Pakhatnaah chuan, kan State GDP 4.84 a lo thleng chho ta hi lawmawm ka ti a. Hei aia tha zel turah beisei ila. Kan per capita income erawh chu a chhiat deuh avangin an tilang ngamlo anih ka ring a. Duhthusamah 2007-ah chuan Rs. 266,73/- turah an beisei a. Chutih rual chuan kan per capita income Lok Sabha/ Unstarred Question No. 4217 dt. 25.8.2004 -a a landan chuan mi pakhat tan kum 2003 ah chuan he kan pe caipta income hi Rs. 214.48 a ni a. Engpawh nise, kan per Capita income hi a la tha tawklo hle tih a chiangin ka hria a. Pu Speaker, kan Revenue Surplus nikum aiin crores 27.78 a a rawn surplus dan hi lawmawm ka ti a. Chulo lehah chuan overdraft nikum leh kumin lamah kan neih loh thu leh Treasury khan anih loh thu uar takin an sawi bawk niin ka hria a.

Tin, kan budget deficit hrim hrim pawh hi nikum aiin crore 52.58 a a tlem zawkna hi lawmawm ka ti bawk a. Kan Revenue Surplus kha kan sawi leh lawk ang a, nikum aia crore 27.78 a a tam hi a lawmawm hlein ka hria a. Tichuan kan closing deficit nikum aiin crore 6.25 a tlem leh zawk tur pawh hi a ropui hlein ka hria a. Tichuan Pu Speaker, kan Revenue chungchangah nikum aia kan hmuh tam thu a rawn tarlang a, chhiah hi in khawn na deuh hlek a, kumah pawh hei aia in khawm nat phei chuan tun aia hmu tam turah ngai ila. Tin, chutih rual chuan 12<sup>th</sup> Finance Commission ina min tuk bak aia tam crore 53.79 lai hmuh chhuah hi a ropui hlein ka hria. Tichuan VAT leh Tax, Non-Tax ah pawh chhiah hi in la leh dawn a nia, lehlamah chuan huphurhawm hlein ka hria.

Tichuan Pu Speaker, sawi zel naah Capital expenditure leh Receipt expenditure pawh hi a pung nasa a, a lawmawm ka ti a. Tin, Plan leh Non-Plan nasa takin a pung bawk a, he Capital expenditure bikah hian note a rawn nei ang a, ruling lo chu kan hrilhhai leh hle dawnin ka hria. Engpawhnise, helai tak hi lawmawm ka ti a.

Tin, chubakah hei BAFFACOS te MIP te a rawn lang chho leh a, thingtlangpa phei chuan MIP hi kan in sem thin a ni. Mahni vengah hian pakhat chan tur leh chhungkaw chan tur hi kan in sem a kan chang tam ang reng riau va, a fai hian sem zawk ila kan hlawk phah mai awm mang e ka ti deuh a ni, thingtlang atang chuan.

Tichuan Pu Speaker, Aizawl city development Project atana hmanraw pawimawh tak JNMURM te leh Urban Development tepawh a rawn lang a, a lawmawm pawh ka ti a. Helai hian Central Assistant hrang hrang a kan sum hmuhte a rawn tarlang a lawmawm hlein ka hria. Tichuan Pu Speaker, sawi sen a ni lovang a, minutes 15 leh chungin he Sorkarin a Financial Control a hman dan leh a tih dan hi a ropui khawpin ka hria, lawmawm ka ti a ka fak nawn leh nisela.

Pu Speaker, kan sawi leh duh chu Sorkar chuan ramchhung a nitin te mamawh puhruk tur leh phurrit chhawk zangkhai thei tur zawngin development ruahmanna holistic development approach siam tura ngaih a ni a,

Amaherawhchu, kan Sorkarin development a kalpui dan ka tehkhin ve dan chuan upa tawng takin chawngkhum dan tlang huatlohah ti ta ila.

Pakhatnaah chuan an development kalpui dan hi tingtang hrui kimlo va perh hi an ang ka ti. Chumi awmzia chu engpawh lo kal sela MNF lo tana engmah beisei tur awm reng reng lo leh Food for Work-ah te IAY ah te leh PMGY ah te in thlauh thla zeng zung mai. IAY ah te pawh a hmuh tur ang takin hmu silovin a ngaiin vawi tam tak an hmu nawn a, sawi sen a ni lovang. Tin, Mizo hnam kan nihna angin a khingbai ka ti a, he development kal dan hi.

Tin, chulolehah chuanin ka tehkhin leh pakhat chu tingtang rui herh mil lova perh hi a ang ka ti bawk. Tingtang hi herh mil lova perh chu a ri hi a inanglo thluah mai a ni. Han perh ila a chher chhuai chhuai a, a ri hi a mawi thei lo reng reng. Chutiang chiah chuanin he Sorkar development kalpui dan a ni a ruallo em em a ni. Khawi hmunah pawh kal ila MNF lo tan engmah beisei tur awm lo hmuh dan leh sem dan in ruallo em em Sorkar hnathawkah pawh duh sak zawng leh zawng lo an awm a, hnam runah pheih chuan a perh hi a ruallo nasain ka ring.

Chutichuan, he tingtang chungchanga ka han sawi duh chu 9<sup>th</sup> Plan kha a han hmang zo deuh vek a. Tunah hian 10<sup>th</sup> Plan crores 3144.98, tichuan 11<sup>th</sup> Plan nakum 2007 April-ah alo in tan ang a, hetah pawh hian crores 4500 vel beisei a ni a, a chanve dawn an han hmang hman leh ang a, a chanve leh dang hi chu Pu Speaker, an ban phak loh a dah hi a thain ka hria.

Tin, 11<sup>th</sup> Finance Commission-in a grant min pek crore 2535.27, hei hi an ching phut vek a, anmahnin an ei zo vek a. tichuan, tuna 12 Finance Commission ina min pek tura ngaih crore 4660.91 hi a chanve dawn an hmang leh tawh a. He Finance Commission Branch min pekte hi an hmang diklo em em a ni tih hi ka sawi hman tawk ni sela. Tichuan 13<sup>th</sup> Finance Commission kum 2010 or 2011 vela lo in tan turah hian crore 8000 leh tih zet hi hmuh tura beisei a ni a. Tuna an pawisa hman dan han ngaihtuah hian he Sorkar ban phak miahloa dah hi Pu Speaker, a that ka ring tih kha ka sawi theih nisela.

Tichuan Pu Speaker, development hi kan hman thiam chuan hmasawinna min thlen thei a, hman thiamloh erawh chuan chhiatna min thlen thei a ni tih hi hriat a thain ka ring a. Vawiin niah hian privatisation leh liberelization ah kan lut mek a, party mal sorkarna dominan system atangin in peizawinna politics a kan lut mek bawk a. Ram inrelbawlna kawnga harsatna chi hrang hrang mirethei chawikanna policy leh nasa taka tih chingpen lo ni ta zel nen chutih laiin State mal hmasawinnaah a lo in nghat nasa tawh bawk si a. Chuvangin development kai ruallo lutuk te, he ramah hian hun lo kal zel tur a harsatna min siam hi a hlauhawm hlein ka hria.

Tin, kut hnathawktute tan bik, Pu Speaker, he Sorkar hi mirethei kut hnathawktute an lo dinchhuah ve theih nan thlai thar leina tur budget-a h hian dah ni rawh se, tih hi ka support a ni. Kut hnathawktuten khaw eng an lo hmuh ve theih nan an duh leh an mamawhte harsa lutuk lova an lo lei ve theih tawh nan, kut hnathawktu te feh kawng zawng zawng truckable-a laih chhuah vek turin ka han ngen baw a. Pu Speaker, Thalaite harsatna sutkian dan tur hi he Sorkar hian bengsitin ngaihtuah se ka duh a. Rawtna chhete kan sawi duh chu Thalaite chungchanga Mizo thalaite hi nun hmachhawn ngam tura buatsaih an ngai a ni.

Pahnihna atan chuan Youth Development Programme leh Sport Development Programme te hi mumal taka kalpui theih niselangin. Human Resources Development Programme hi tun aia nasa tak a tha zawka kalpui turin kan ngen baw niselangin. Leikhathiam hna neilo kan pung chak si a, Sorkarah hna a tlem sawt baw si. Chutih laiin pension reform lah kal pui mek alo ni baw si a. Saptawng leh Hindi kan thiam taw loh avangin State danga hnathawh kan hreh ngawih ngawih baw si. Tin, Private Sector-a thalaite ruai thei tur kan tlem baw si.

Pu Speaker he kan budget hi a ropuiin a lawmawm ka ti a. Thil thar tam tak kan hmu a, financial control nasa takin he Sorkar hian a tum a. Achievement pawh hi a sang khawp ka ti a ni. Amaherawhchu, pawimawh ber erawh chu, engang zat pawisa, sum pawh hi lokal sela, kan development sum hman dan hi rual khai se ka duh a ni.

Vawiinniah hian he Sorkar hian Sorkar hnathawkte hlauh nasa takin a ti pung a. Chutih laiin thingtlang mipui kut hnathawh, mirethei tan hian eng hi nge a tih tur ve? He Sorkar hi kut hnathawh tute mirethei tak, tlema an lo changkan theih nan rural package, thingtlang lam thawmna tur hi beng sika a ngaihtuah a ngaiin ka hria. Chutilochuan, development a kai rual loh chhung chuan a kal a kal ang a, harsatna tam tak hi kan la taw ang tih ka hlau a ni.

Tichuan Pu Speaker, a tawp ber atana kan sawi duh a chu Thu tisa-a alo chan theih nan hlemhletna leh ram rorelna tha leh dik siamna kawngah hianin intlansiak chho zel ilangin, ram leh hnam a lo din chhuah theihna turin party nihra te dah tha a, ram tana thil tha tih, mipuite zirtirna kawngah helaia thute hian theihawpa tan la turin kan in ngenin kan in sawm ni sela, ka sawm phak loh leh ka ngen phak loh mah ni selangin. Tichuan Pu Speaker, he budget tha tak kan neih hianin 2007 April ni khat atang chuan rah tha tak min chhuah sak theih selangin. Kum hmasa term hmasa budget inlo hman dante dik taw lova in hriat te leh mipui tana ro inrel dante engkim mai, hleilen lutuka in tih thin te hi bansan tum tawh ulangin thil seisei ukin min siam a, mipuite beisei leh ngam tak tak lo tein min siam a ni. Nasa takin mipuite hi min dang kawlawk a in tiin in thil chin thalo zawng zawng te kha Pu Speaker, khawngaih taka bansanin, ram rawngbawlina hna tak tak thawk turin he Sorkar hi ka ngenin ka chah a ni e, ka lawm e.

**PU D THANGLIANA**

: Pu Speaker, vawiinniah 2007-2008 kan budget chungchang discussion nei theia hun kan han hmang hi lawmawm hlein ka hria a. Hei kan Finance changtu kan Chief Minister

zahawm tak, Budget Speech hi han en vang vang hian lawmna tur hlir a ni e tih mai awl tak a ni a. A lawmawm hlein ka hria a. Hei Central-ah UPA Sorkar a awm a, anmahni mal, party mal rorel na a ni lova, party mal rorelna ai hian thatna a nei a ni awm mang e aw tiin ngaihtuahna a hman theihin ka hria a. Vawiinniah pawh heng Budget Session a hi a hun chhoah kan han nei chho zat zat thei hi thil lawmawm tak niin ka hria a. Vawiinniah pawh chutiang bawk chuan Budget Session hun pangngai takah kan nei thei a, Central lam Sorkar pawhin ruamanna min han siam sak a. Tin, Planning Commission lampang te pawhin hma min han lak sak, min han pawm sak hi lawmawm hlein ka hria a. Central Sorkar UPA chungah leh Planning Commission chungah tepawh vawiinniah hian lawmthu sawi a ngaiin ka hria a, lawmthu kan sawi duh a.

Tin, chutiang taka Budget kan neih theihna tur atana kan Chief Minister zahawm tak hmalakna theihtawp chhuaha a hun taka Mizoram Budget pharh a nih theihna tur atna hma a lakna hi a fakawm hlein ka hria a. A kaihruaina hnuaiyah hian Mizoramin hmasawna hrang hrang kan nei a, sawi sen pawh a ni lo hial awm e. Chuti khawpa hmasawna Mizoram a hmasawna chi hrang hrang nei tura hma min lakpuitu kan Chief Minister kaihhraina hnuaiyah vawiin niah hian a hun taka Budget Session nei thei a kan han awm hi a lawmawm hlein ka hria a. Vawiin niah hian kan Chief Minister Finance changtu ni bawk hnenah hian he House ang pawh hian lawmthu sawi hi kan tih tur awm tak niin ka hria a, kan sawi uar deuh duh a.

Pu Speaker, vawiinniah Budget General Discussion kan neih a han sawi hmasak ber ka duh chu hei nikum lamahte, tun term chungah hian MLA hoten MLA area fund kan tih maia kha nuai sawm khan min han pe a. Tun tumah hian kan Chief Minister kaihhraina hnuaiyah MLA zawng zawng tena MLA LAD Fund nuai 15 min han siam sak a, nuai 600 lai mai MLA hotena kan area cheina tur atana pawisa min han siam sak hi a lawmawm hlein ka hria a, kan hlain "A hniak hnunga kan zui ve nan, entawn tur amahin a hnutchhiah kha" a tih ang deuh kha a niin ka hria. Kan Chief Minister zahawk tak hian hun lo kal zel tur atana midangte tana entawn tur tha tak min han hnutchhiah sak a, MLA te area fund kan han nei ta te hi a ropui hlein ka hria a, hei hi kan zavai pawha lawmna tur tling hrim hrim niin ka hria a. Hei hian he Sorkar hi hleih bik neilo, duh sak bik neilo Sorkar a nih zia a tilang chiang hlein ka hria a, a lawmawm tak zet zet a ni tih kha vawiin niah hian ka han sawilang tel duh a.

Tin, chulolehah chuan hei kan budget-a hi kum tin budget kalphungah hi chuan a pung chho ve zel a, amaherawhchu, chu MNF Ministry Pu Zoramthanga kaihruai kan vanneihna em em chu nikum hmasa lamah khan budget pun dan phung piahlahmah vaibelchhe 130 chuang zetin kan budget kha an sang

chho dawrh a, chuan kuminah hian hei vaibelchhe 92 ngawt maiin nikum lam aiin kan budget an pung chho ta a. Budget pun hrim hrim hi a kalphung tur anga ngaih ni mahsela vawiinnia a pun dante, nikum hmasa lama a pun dante kha budget kalphung piahlam, a pun dan phung piahlam a nih avangin thil lawmawm tak a ni a. Hei hian a entir nia lang chu he Sorkar hian kan budget plan a ni emaw non-plan atanga kan ram hmasawna tur atana kan pawisa hmuh zawng zawnga a nihna tur ang takin kan hmang a ni tih kha tichiangin ka hria a. Chuvang chuan, kan Sorkar hmalakna leh hnthawhna zawng zawngah hian dik taka hnathawh a ni chho a in tih laia kha hei hian a tichiang hlein ka hria a, a lawmawm takzet zet a ni. Budget pung satliah mai nilovin vaibelchhe 91 laia an pung chhoa kha thil lawmawm tak a ni tih kha vawiin niah hian kan sawi duh a.

Tin, kan budget kan Chief Minister Speech-a pheh 10 naah khan Sl.No. 27-ah hian Mizoram ina kan mamawh tun tum kan budget-ah hian an rawn tihchhoh ang aw tih ka lo ngaihtuah ve chu, ei leh bara kan intodelhna tur atana Agriculture & Allied Department chungchangah he budget-ah hian engtiang takin nge kan hotu ten an rawn chhawpchhuah ang tiin ngaihtuahna kan lo hmang ve thin a. Hei budget kan han en a, helaiah hian an ngaihpawimawh ber te zingah Agriculture & Allied Department chungchangah he budget-ah hian engtiang takin nge kan hotuten an rawn chhawp chhuah ang tiin ngaihtuahna kan lo hmang ve thin a. Hei budget kan han en a, helaiah hian an ngaihpawimawh berte zingah Agriculture & Allied Department hova kha a rawn tarlang a. Vaibelchhe 76.25 lai mai kuhnathawkte nena in hre ber Department ho ah hian ruahmanna a rawn siam chho ta hi thil lawmawm tak niin ka hria a. Mautam avanga tam lo thlenna tur chungchangah pawh kut hnathawktu te nena in hre ber Department Horticulture te Agriculture Department te leh a dangah te hian pawisa hetiangah dah alo ni a, ngaihpawimawh a ni hi Mizoram tan hmasawna ropui tak niin ka hria a, hei hian kan budget pawh hi a ti lawmawm lehzualin ka hria a. Vawiinniah hian lawmthu sawi mawlh mawlhna tham niin ka hria a.

Tin, chumi piahlamah chuan Rural Department ah te pawh ngaihpawimawh a ni a, hei keini thingtlang lam pang bialtu te chuan Rural area amite kan ni a, kan hmasawna tur atana hmalakna chi hrang hrang rawn chhawpchhuah a ni te hi vawiinnia kan budget hi Mizorama budget kan neih tawhah chuan kuthnathawktute leh thingtlang hrut ber ala ni awm mang e tiin chung mite tana a lawawmzia chu tarlan a niin ka hria a, lawmawm hlein ka hria a. Kuthnathawktute kan vanneihna a in herchhuak chho dawn nite pawhin a lang niin ka hria a. Chuvang chuan kan Budget Speech a kan hmuh ang hian kan Sorkarina a ngaihpawimawh bera chu kuthnathawktute leh mirethei thingtlanga mite hamthatna tur zawngin budget-ah hian ruahmanna a rawn siam ta a.

Tin, Mizoram Indotdelhna Programme chungchangah pawh hei hi a pawimawh khawp mai a, hei hi kalpui mek zel a ni a. Kuminah pawh hian vaibelchhe 20 lai mai ruahman chhoh a ni te hi thil lawmawm tak a niin ka hria a. MIP hi nikumah te khan sawisel a hlawh viau a, mahse kan Sorkar-in a kaihhruaina tur Dan thar te an siam chho va, hmasawna ata tangkai taka hman a nih theihna tura ruahmanna fel tak an siam chho hi thil lawmawm tak niin ka hria a. MIP mizoram tan kan han siam chhuak ringawt pawh hi alo va tha tehluul em tih kha vawiinniah hian kan sawi tel duh a.

Tin, Sl. No. 35-naah khan hei kan Chief Minister zahawm takin Mautam avanga tamna lo thel ng tur lo doletna atana a Scheme siam hming mawi tak BAFFACOS atanga mipui te inhlawhna tur leh thil dang tul, tam dona tur atana a dah tul leh pawimawh hrang hrang a ruahman tur atana an pawisa dah te pawh hi, hei nikum lamah khan vaibelchhe 30 an dah a, kuminah chuan vaibelchhe 35 lai mai an han dah ta a, hei pawh hian kan budget hian mirethei te thingtlanga kuthnathawktute tan pawh kori a tu dawn a. Chutiang neite hnenah thleng tur zawng chuan kan budget hi kalpui a ni tih kha a tilang chiang viauin ka hre bawk a ni.

Tin, Sl.No. 48-naah khan Urban Development and Poverty Alleviation Department thar MNF Sorkar hi kan mak ang reng khawp a. Mizoram tana thil tha turah hi chuan tih mai hi kan ching khawp mai a, hei hi kan entawn tlakna lai tak ni pawhin ka hria a. Tun hmaah khan Relief & Rehabilitation Department tepawh kha Department awm a tul a ni tiin kan siam a. Tin, Trade & Commerce tepawh kha Directorate hial neiin kan han siam a. Vawiinniah khawvel thang zelah khawpui tih tham Mizoram-ah te kan lo nei ve ta a, chung khawpui chhunga cheng hausa leh rethei te huamzo thei tur chuan hetiang Department te hi ruahman a ni a. Chutiang khawpui chhunga cheng mirethei te mi hausa fun kim vek tura Scheme te, project te engkim siam tura a ruahmanna siam an ni chho hi thil lawmawm tak niin ka hria a.

Tin, vawiinniah hian sawi hmaih hauh loh tur lawmawm leh tak chu hei Sorkar hnathawk te hlawh pek chungchangah hian plan fund atangin Department tam tak a tang hian hlawh pek a ni thin a. Nimahsela tun tum kan budget bu kan han en hian Non-Plan atanga pek tur angin ruahmanna siam chhoh an ni a. Hengte hi thil ropui tak mai keini a Sorkar neitute tan changlo pawh Mizoram tan hrim hrim hian kan hriat thar leh kha a pawimawh hlein ka hria a Chuvangin heng kawngah pawh hian kan Sorkar hmalakna hi a fakawm a. Hei kan Finance Minister-in a Budget Speech-ah hian a rawn sawilang a, nikum lama kan hmuh ang aia tam mah zela kha kumin chhung choah pawh hian beiseina kan han nei chho te hi thil lawmawm tak niin ka hria a.

Tin, thil lawmawm leh tak pakhat chu hei Pu Zoramthanga kaihhruai Sorkarah hian Bank khar lova vawiinni thleng a Treasury pawh khar lova kan kal chho thei a hi sawi loh theih loh niin ka hria a. Hei hian he Ministry hi financial management ah te budget management kan ti nge ni Fiscal Responsibility an budget management tihah pawh hian a dan kan pass hma hauh pawh hian neitu nihna thilung pua he ram roelna leh sum leh pai kan hmuh tepawh anih ang taka hman thin kan ni tih a ti lang chiang hlein ka hria a. Chuvang chuan, kan Chief Minister kaihhruaina hnauia Sorkar sum leh pai kan hmanna chungchangah pawh hian entawntlak tak kan niin ka hria a. Hei hi a lawmawm hlein ka hria a. Sawihmaih phal chi a ni lo. Hei kum sawm dawn MNF Sorkar chhung hian Bank khar emaw Treasury khar emaw a awm miahlo mai a. Kan Sorkarin a min kaihruai thei hi thil lawmawm tak niin ka hria a.

Vawiinniah hian kan Budget Speech ah hian sawi tur tam tak a awm a, kan sawi senglo ang a. Kan sawi tak ang khan MNF Sorkarah hian thil thar sawi tur tam tak hmuh tur tam tak a awmin ka hria a. Hei MNF Sorkar chhunga thil tha kan tih tam tak Department thar kan han siam mai te, tin, chung bakah chuan Sorkar ina dan hman tur pawimawh leh tul kan han tih mai te, hei separation of judiciary tih chungchangah te pawh hian party tinin manifesto a kan neih a ni a. Vawiinniah a tak a ti hlawhtlinga he Sorkar chak tak an kal chho ta hi a lawmawm helin ka hria a. Manifesto tipuitling zel Sorkar kan nei tepawh hi Mizoram tan thil vaneihthlak tak a ni tih kha vawiinniah hian kan sawi duh a. Chuvangin kan Budget a hi a pumpui hian a lawmawm a, lawmna bu a ni ber e, Pu Speaker, ka lawm e.

**PU K. LALRINLIANA**

: Pu Speaker, ka lawm e. Vawiinniah Budget Discussion kan neih hi kan Chief Minister zahawm takin Budget Speech-a a rawn tarlan hrang hrang hi a ropui ka ti a. Hei thil danglam tak kan nei nual a, kan ram pumpuiin kan chhawr tangkai tur leh mirethei thleng phak tur tak tak budget a niin ka hria. Hei hi a ropui a ni. Tin, a special-na tak pakhat, State Economic Survey nena budget vawiinah speech a tel thei ta hi a ropui ka ti a ni. Heng hi kan intehna tur ropui tak a ni. 12<sup>th</sup> Finance Commission hun tur atan tuna 4% leh tlem bakah 6% vela beiseina nei chhoh thei tur anga ruahmanna a han sawilang pawh hi a ropui hlein ka hria. Hei kan Member zahawm tak tak ten an sawichhoh atanga tangkaina hmulo lutuk anga an han sawina -ang chi kha, kawng lehlamah chuan a tlawmgaihthlak ve deuh hlekin ka hria a. A hmu chiang tute hi mipui kan ni. Kan Chief Minister zahawm takin term hmasa leh tun term a kalpui mekah. Inthlante kawng hrang hrangah kan lo hmachhawn deuh nual a, MLA General Election kan neih leh tawhte leh By-Election kan neih leh atanga hian mipuite hian rinna an nghat a ni tih hi a langchiangin ka hria. Chuvangin, sum leh pai kan hmanna kawngah pawh hian kan hmang dik a ni tih a tilang a ni. Mirethei thlengphak budget hi kan nei thin a, a dikin kan hmang a ni tih hi mipuite ah an tilangin ka hria. Hei hi kan Sorkar ropuina leh vawiinniah budget pawh hi hetiang khawpa kan Chief Minister-in a rawn chhawpchuak hi a ropui ka ti a ni.

Education Department-ah hlawhah a kal tam lutuk a ni Member thenkhat ten an han ti ringawt a. Hengte pawh hi kan chhut chian a ngaiin ka hria a. Education Department ah hian hlawh lova a kal chuan tihngaihna a awm lo a ni. Hlawha a kal tam khan thingtlanga zirtirtu neilo te khan zirtirtu an neih phah a. Naupangten zirtirtu tha an neih phah a, thingtlanga kan naupangte khan an lo changkan phah a, khawpui thleng pawhin a ni. Chutiang zelin Police lamah pawh hlawhah a kal tam lutuk a ni tihte sawi an awm a. Mahse, hlawha a kal tam a kan Police te hlawh kan pek thatna avang khan ram ralmuang ber, India ramah State ralmuang ber kan lo nih phahna pawh hi a ni. Chutiang chuan kan ram a lo ralmuan chuan mipuite kan thlamuang a, mipuiten dinhmun nghet neia insawhngheh tumna rilru kan lo put phah a. Chu chuan mirethei ber atanga Hausa ber thleng hian ralmuang taka hna kan thawh a insawhngheh theihna rilru kan kalpui chuan kan ram in hma a sawn dawn a ni. Hengte hi hlawh lama a kal pawhin tangkaina chi hrang hrang a awm ve a ni.

Tin, chhiah pawh lak loh theih lohin kan la chho a, kan ram dinhmun nen en pawhin duh aiin chhiah hi kan la deuh lo maw, tihte pawh sawi an awm thin tak nain kan tih chhun hian mipuite pawhin hriat thiamna chin an nei a ni. Tin, chhiah kan lak pawh hian mipuiten chhiah kan pek a, Sorkarah ta neihna kan nei nghal a ni, tih nachang an rawn hria a. Chutah chuan Sorkarah pawh mipuite tupawh kan pangchan ngam phah niin a lang. Chuvang chuan mipuiten chhiah pek chungchangah pawh hriatthiamna thui tak kan nei. Sorkarin lak luh kan neih ve khan kan ramin hmasawna a lo neih phah a. Keimahniin kan chhawr tangkai leh thin tih kha mipui tepawhin kan hrethiam phain a lang a ni.

Tin, thlai thar leina dah nise tih ang chite saw an awm. Thlai thar leina dah tih zuk lang chiah lo, mahse hei MOU signed in Company te nen thil chi hrang hrangah hmalakna Sorkarin a nei a, kan hre vek a. Hetiang hian thlai i ching ang u. Entirnan, Oil Palm emaw, Sapthei emaw, hetiang hian Grape emaw i ching teh ang u. A hralhna tur hengteah hian a chiang a ni tiin mipuite hnenah kan zirtir a ni. Vawiinniah chuan chumi zah chuan kan lei ang. Chutiang zat chu kan chhiar dan a ni zuk ti lo mah ila, a hralhna tur chiangsa ang chi hrechiang a Sorkarin a kalpui kha, mipui ten hei zawng a zui tlak a ni, hei hi kalpui tlak a ni. Company ten htah hian an lei ngei dawn a ni tih a chiang ngei a ni tih hria a mipuiten a hralhna tur hrechiang sa a thil an chin khan an phur a. Hmundanga peng a chu chu a tha tia va ti lawr duah lova, in sawh ngheh a, huan lo ram an lo neih phahna pawh kha vawiinniah hian tam takah kan hmu a. Chu chan hlawhtlinna min pe chho mek zel a ni.

Tin, kan budget-ah khatiang chi link road kan han laih, agriculture area potential connectivity kan han tih ang chi pawh hian mipui lonei miten tlang ramah a ni emaw, phaizawlah a ni emaw an leilet huan ramte leh an huan ram kalkawng kan han laih sak a. Mipuite hnenah a thleng lo kan han ti thin tak nangin a hrechiangtute chu mipuite hi an ni tlat a ni. Kawng kan laih sakah chuan an thlai thar te kha tun hma chhipa an phurh thin kha tunah chuan motor in an lo phur thei ta a. Awlsam takin an thlai thar te an hralh ve theih phah ta a ni. Chuvang chuan loneitute tan hian budget-ah hian vawiinniah pawh, kum hmasaah pawh a awm a, tun kum kan hman lai mekah pawh a awm a, lo awm leh turah pawh kan hmang dawn a ni tih hi vawiin kan budget speech ngaihthlak atang khan a chiang em emin ka hria a. Chutiang chu vawiin nia kan Sorkar kal danah mipuite pawh hi kan lawmin ka hria a. Duh ang duak duakin thil engkim hi tithei lo mah ila, a intah tawl te chuan thil hi a kal chho a ni tih hi vawiinniah hian a chiang tlat a ni.

Tin, kan mamawh em em energy chungchangah pawh Hydel Project chungchangah pawh zawhna leh chhanna Unstarred Question ah leh Starred Question-ah te kan hmu a. Vawiinnia kan Budget Speech ah pawh 11<sup>th</sup> Finance Commission hun chung a a kaldan tura tui kan khuah dan tur ruahmanna kan beisei te pawh a rawn lang a ni. Khatiang ang chi te pawh kha hmachhawpna kan neih bakah khan vawiinnia kal lai mek chinah pawh Serlui 'B' Hydel Project te leh Mini Hydel Project tam tak kan neihah hian lawmna tur a awm a ni. Chuvang chuan, kan ramah hian Hydel Project lamah pawh hmasawna namentlo kan nei chho niin a lang.



Tin, 11<sup>th</sup> Five Year Plan hun chhunga priority sector atana Agriculture and Allied activities ah te leh Rural Development ah te, dah an ni te hi a ropui ka ti a. Hengte hi kan ram tana thatna tur, mipuite kan lo thawven ve na tur, kan lo inchhek khawl ve na tur atan a ni tih a chiang em em a ni. Chutiang ang ngaih pawimawh tur zingah chuan MIP te pawh. kha a la tel ta zel a ni. Kan Budget a kan han hmuhah hian kan tan kan ram thatna tur a tan, mi harsa zawk te tan pawh chan pual tam kan hmu a ni tih kha a chiangin ka hria.

Tin, Annual Plan bika rawn lang nichina kan ngaihthlak tawh ang khan crore 85.0 lai mai kan kan nei a, hei hi tun kum kal lai mek aiin crore 92 ngawt maiin kan nei pung thei te hi a ropui a kan Finance changtu kan Chief mInister in Central a a zuk sawi thiam vang tepawh a ni ang a. kan sum lo hman tawh dan Central-in min thlirna atanga pek tlak kan nih avanga pek tepawh kan ni tel ang. Chutiang chuan kawng hrang hangin duhsakna kan han dawng a. Tin, khami atana kan hman na tur a sector wise a allocation tarlan an nihah te pawh khan Agriculture te leh a kaihhnawih te ngaih pawimawh bik a nih tur thu te, sum dah zat tepawh a vawng bik a, a lang reng a, Rural Development-ah te pawh thingtlang khua ami harsa zawk dawm kan na tur atan crore 46 chuang lai mai dah an ni a.

Tin, flood control leh irrigation atan te dah

an ni a. Flood Control leh irrigation chungchangah te pawh hian hei ngaih pawimawhna Sorkarin a nei lian em em a ni tih a ti lang a, heng te hi kan ram leilung luangral turah te hei vawiinniah pawh hian kan la kal chhohpui mek tura lang kan tui luang kawit lutuk tih ngil te hian kan leilung luangral tur a veng a, chung ang chi te tin. kan leilet tuipekna tlangram tui pekna, tui a thatloh chuan thlai kan thar tha thei lo a ni tih hrechiangin, chutiang chuan sum tepawh a bik takin kan han dah vawng bik a ni a. Chutiang chuan energy lamah pawh pawisa crore 80 chuang lai mai dah an ni chho a.

Tin, hemi Industry leh minerals ah te pawh crore 20.80 dah a ni a, anihna takah chuan kan ramah hian Agriculture ah te Horticulture leh a kaihhnawih ah leh Vety te, kan thar chhuah atanga kan intodelhna mai bakah kan ram lei hnuai hausakna kan haichhuah tam hian kan ram intodelhna tur hi a chiang a ni tih hi vawiinniah hian kan hmu chiang vekin ka ring. Pu Speaker, hemi hi vawiinniah kan Sorkarin ngaih pawimawh nachang a hria a ni tih kan budget atang pawh hian a chiang em emin ka hria. Hei hian min ti thlamuang leh zual a ni.

Nichinah kan ngaithla tawh a, Baffacos chungchangah tepawh tun hmain zirtirna diklo te hman diklo palh tepawh thil a lo awm a niang. Amaherawhchu, vawiinniah kan hman chhoh danah mipui tepawh an lungawi in ka hria a, nikum ai pawn tun kumah crore 5 zet dah tam zawk an ni te hian harsa zawk te tana tam zawk te tana sum lo awm thei tur aloi awm chho zel mai a lo ni a. Tin, Mizoram Intodelhna Project atan pawisa dah crore 20 kan han nei leh a, hei hi a thlamuan thlakin ka hria, nasa takin hma kan sawn phahin ka ring. Keini district-ah ngei pawh MIP sum hmang hian Oil Palm chingtuten subsidy te dawngin Oil Palm thar chhuah theihna tur atan mipui an in puahchah sauh sauh a ni. Aieng kan inpuahchah ang bawh hian Oil Palm ah pawh miin inpuachahna an nei thar a.

Tin, Land Development te, Land levelling te WRC tepawh levelling an han ti tak tak a, thlasik thlai tam zawk vawiinniah hi chuan kan thar thei tawh a ni. Buh mai a ni tawh lo, Buh pawh hi kumkhatah vawikhat mai kan thar tawh lo, vawihnih thar hi sawi tur an awm nual tawh a ni. Tin, irrigation nen, land levelling nen land development an tang kawp chhoah hian thlasik thlai tam tak vawiinniah chuan kan thar chhuak tawh a ni. Aizawl khawpuiah tepawh kan District khuan nasa takin thlai, thlasik leh buh ahte pawh kan rawn chawm ve tan tawh a ni a. Chutiang chuan Zoram hmun hrang hrangah te pawh a rah kan hmu chho a ni. Tin, a bik takin hei Local Area Development Scheme chungchangah, MLA tena kan chanvo tura hi nuai sawm tun kum kal lai mek a kan neih pawh kha kan hmang tangkai em em hlawmin ka hria a. Hmanni kan Budget Speech kan han ngaihthlakah pawh kut kan beng anih kha. Vawiinniah chuan nuai 15 kan nei dawn ta a ni a, kan bial chung mipui tena pawimawh an tihna laiah leh an MLA theuh ten ha kan thawk thei dawn ta a ni. Opppsition leh Opposition lo pawh thliar hrang lo kan Finance Minister, kan Chief Minister ina ruahmanna an siana te hi lawmawm ka ti a ni.

Tin, hei tun kum kal lai mekah Legislator's Home, a bik takin Pu Speaker, furnishing kan han dil a. Min han tihsak a, tunah khian in pangngai ang ve maiin kan chenna khi MLA 4,5 lai kan cheng ve a. Rawng hnawih tharte a han ni a. Kan Speaker min duhsakna te, kan Chief Minister min duhsaknate a ni tih kan hria, kan lawm hle a. Chungte chu han sawi loh theih loh niin ka hria a. Kan Budget 2007-2008 kan sawi honaah hian sawi tur tam tak a awmin ka hria. Kan sawi vek seng lovang a. A tlangpuiin a lawm a, a fakawm ka ti a ni. Zoram mipuiin kan chhawrin intodelhna kan hmang zel ang tih pawh ka beisei tlat a. Chuvang chuan hei kan budget hi chhuanawm tak a ni tih kha Pu Speaker, ka han sawi ve duh a ni ka lawm e.

**S P E A K E R**

: Le, chawhma hun kan lo hmang zo ta a, kan chawl hrih ang a. Chawhnu Dar 2:00 ah kan thukhawm leh dawn nia.

*Afternoon 2 : 00 p.m*

**DEPUTY SPEAKER** : Awle, kan Business kan chhonzawm ang a. chumi hmain hei kan Official Gallery hi khawhar chang a awm deuh hlekin ka hria a. Tlemin kan lang tam lo deuh a. Kan Official lamte thahnemngai deuh turin kan chah bawk a ni. Pu H. Liansailova'n a bul han tan teh se.

**PU H. LIANSAILOVA** : Pu Speaker, vawiin kan Budget General Discussion kan neihah hian eng emaw ka ngaihpawimawh laite han tarlan ve ka duh a.

Pakhatnaah chuan - kan Chief Minister, kan Finance Minister ni bawkin Budget Speech a rawn neih hi han thlir hianin a overview of the budget atanga han en hianin kan budget hi kum dang aia hmasawna awm deuhin a lang a.

Tin, kumin hi budget pangngai taka kan sawi vawi hnihna a ni a. 2005-2006 hmalam zawng kha chuan Budget Budget full Budget kan ngaihtuah thei lova. Vote of Account tein kan kal a ni ber a. Kum engemawzat chhung full budget sawi theilo a kan awm kha. Hei tum hnih kan sawi theihna tur a ni a.

Tin, kan Finance Minister in Speech a a tarlan ang hian Central UP A Sorkar hnuaiyah India ram Economy nasa takin a lo tha chho ta a. Chumi zan chu kan zo a ni tia tarlan hi a dikin ka hria a. Vawiinah hian hetiang Budget leh kan budget ah pawh deficit nasa lutuk lo te, hmasawna awm hret hret kan tarlante pawh hi, Central lama kan Sorkar duhsakna leh kan dinhmun harsatna hria a kan Sorkarin a dawr hlawhtlinna niin a lang a. Chuvang chuan hei hi thil lawmawm niin ka hria a. Chu chu ka tarlang hmasa duh a.

Tin, kan sum hmuh pawh hi a pung chak chho viau a. Ka hriat sual loh chuan Mizoram Sorkar-in 5<sup>th</sup> Five year plan chhunga Plan pawisa kan hmuh kha kum nga chhung atan crore 45 niin ka hria a. Chu chu kumtin crore 4 emaw 5 emaw Annual Plan kan nei ve tanna niin ka hria a. A pung chho zel a. Tunah chuan Plan ah ringawt pawh 850 crore lai alo tling ta a. Tin, 11<sup>th</sup> five year plan a kan State-ina kan hmuh tur awm kan estimate min approve sak nia lang Rs. 4500 crores kum nga chhung chuanin 900 crores zela hman theih tura chhawp chhuah a lo ni hi kan Station Central Sorkar atanga khawngaihna malawmna, duhsakna, kan dawn hi a nasa hle mai a. Chuvang chuan heng tar chhuah a ni hi lawmthu sawina awm tak niin ka hria a.

.....230/-

Tin, kuminah hianin hei economic survey Report kan han hmu a, kan budget kalhmang pawh heng report behchhan hian a zir thiam deuh tan chuan a chhiat a that an zir thei viauin ka ring a. Amaherawhchu, budget hi a technical em avang lehmi thiam bik expert deuh tan lo chuan a chuti khati zuk tih har tak mai a nih avangin keini ang zir thiamna ( exxpertise) nei lo tan chuan a lang a kan hmuh dan leh mipui lam atanga kan dawnawn dan atanga thlirna kan han sawi chhuah hi kan thiam tawk a ni mai a. Hei kan Economic survey report leh kan Sorkar document kan budget-a kan hmuh ang khanin kan State gross domestic product-a kha a thang chho viau angin a lang a. Tin, kan per capita income pawh kha Rs. 20,000 chuang lai maiin kan project a lo ni ta a. Heng han en hianin kum khatah mi pakhatin chawhruala Rs. 20,000 chuang han hlawh kha chu, entirnan, chhungkaw panga chuang an income tihna a lo ni dawn a. Hetiang tak hi ni sela kan ram mipui leh kan Sorkar in enkawlna hnuaiiah hian mipui kan lungawi tlang viauin ka ring a. Amaherawhchu, hei kan hriat theuh angin khawpuiah pawh a ni a. Thingtlangah pawh a ni a. Kum khata Rs. 20,000 chu sawi loh, chhungkaw pakhatina kawla nichhuak chhiara eizawna kawng hrang hrang rim taka an thawk chung pawh hian hetiang zat hi chhungkaw pakhatah hian a tlangpuin a lut lo niin a lang a. Hei hianin a tak tak leh a chhut a chhut, a hisap, Sorkar hisap inkarah hian thil ngaihtuah tur thui tak awmin ka hria a. Chuvangchuan, helai atang hianin kan budget tha awma kan ngaihte tha tura langahte hian a target group leh a Sorkar pawhina a rawngbawl sak berah harsatna hi a takin a la sukiang pha lo tih hi chu vawiinah hian thil sawi hrehawm ni pawhin a lang lova, thu kan uar pawh niin ka ring lova.

Chuvang chuan helaiah hian kan budget hi a ziak leh a bu anga lang hi chuan mithiam ten an rawn rem tha a, a duham viau pawhin a lang. Amaherawhchu, a thawh tur ang tak leh a tih tur ang tak lo ti thin niin tuna a hisap (vaitawng takin) a hisap kitapa kumkhatah mipakhatin cheng 20,000 chuang income a neih theihna economy ah hi chuanin tuna thingtlanga mi tam berte ei tawk tawk a nungte, silhfen tha pawh neilo te heng dinhmun hi chu awm tawh awm lo tak a ni a. Chuvang chuan kan ngaihtuaha a tha nia kan sawina leh a lawmawm tia kan sawi lai hian a pawimawh lai tak nia ka hriat avangin uar deuhin chulai chu ka'n sawi duh a ni. Khawpuiah te a dawng thei leh kan budget kilhnai pha tan hi chuan a tha pawh a ni thei, mi tam zawk dinhmun en erawh hi chuan helaiah chuan kan budget hi engnge anih tih hi keinin kan sawi ai mahin a mipui beisei leh nghakhlel taka lo thlir ve thinte chhan tur a nih ka ring a. Lehlamah chuan a tha ti thei chu kan awm tho ka ring a. Hei tun kum sawm pawh la tlinglo chhung hian in leh lo kan din dan te, kan in leh lo kan chei dante, kan huan thlam leh kan inbul vel te kan han chei danah hian mipui mit hmuha lang chu sum hi a tamna laiah chuan a tam hle a ni tih hi chu thudik niin ka hria a. Chuvang chuan vawiinniah hian he kan budget hi chutiang ngaihtuahna ang thlir chuan vawiinniah keini hovin kan chhan tur nilo, mipui a mimir thingtlang a mite, khawpuiah mirethei mi in hnuaiia awmte Sorkara beiseina lo ngat ve thin te, chhan turah dah ta ila a thain ka ring a.

Tin, hei thil langsar takah chuan tukinah khan kan MJA ten lehkha min han pe a, MLA hovin kan hmuh vek ka ring a. Advertisement chungchanga an khawpkham loh zia te, khawtlang tana rawngbawl tura

a in pekna an duh thawh thute an tarlang tawh a. Chuvang chuan kawng hrang hranga thlirin a chhang tu tura hi chu mipui he budget hmanga hman dan lo thlirtute beiseina lo chhangtute chhan turah dah ta ila a dikin ka ring. Chutah chuan kan uar duh chu Pu Deputy Speaker, hei mirethei lam hawiin budget lian tak tak dah angin a lang. MIP ah crore 20 nuai 2000, tin BAFFACOS ah nuai 35 emawni, amaherawhchu, tuna kan sawi ang khan a budgeta dah hi a lungawithlak lo, a hmandan leh kan lo hman dan thlirin mipui a mamawh tute chawbel thleng, fairel bel thleng anmahni nitin khawsak nana an tana kan dah anihk ang taka then hi nise a thain ka hria.

Sapthei chungchang hmanni khan ka sawi zauh a, Sapthei ching tur hian kan mite an phur em em a. Kan hotute thusawi pawh an ring a ni. Tunah erawh chuan thirzai chiah kan pe a. a bak enzuina kan nei lova. Ei leh inah nitin indap chawp an nih vangin thil tha ti duh mahse, sum leh pai an neih loh avangin an thawk tha thei lova. Chuvanga hlawhchham kan ni. Chuvangin, kan pawisa an hminga kan dahte anmahni avanga hman tura kan chhawpchhuahte, kan thlamuanna thute hi a tak ngeia thleng budget ni thei se chuan budget tha a ni ang a. Kan lo kal tawh leh lo hman tawh thinte a tlangpuia kan hriatdan leh kuthnathawktute, miretheite au aw kan hriat atang hi chuan kan budget hi a bu hi tha mahse, a thu kan sawifiahna hi ngaihnaawm hle mahse thlamuanna thu kan inhnutchhiah kumtin a ni mai awm mang e, a taka thleng si lovin tihte pawh ngaihtuah theih tak anih avangin helai zawn atang hian kan thlir a pawimawh hle a ni, ka lawm e.

**PU ANDREW LALHERLIANA :** Pu Speaker, ka lawm e. Tun tum kan Budget ka han en a. Han en chuan a ropui ve khawp mai, Demand for Grant te pawh pung tak a ni, 2322.92 vaibelchhia kan nei a. kan Demand pawh kha sang tak a ni. Kum hmasa ai pawn vaibelchhe 286 laiin a sang a ni. Kan lehkhabu hi han en kual ta ila. Kan Budget speech ah khan Finance Minister khan tan a la ve hle a ni tih a lang a. Lawmthu pawh kan sawi turah ka ngai a. kan leibain min tihbuai lutuk avanga loh theihlohvin Fiscal Responsibility and Budget Management te pawh pass a ngai a. Kan han pass na chhanah kha. Amaherawhchu, chu chu a ni e tia kan han sawinaah khan kan sum leh pai leiba tam lutukina min tihbuaina chinfelna tur khan provision min pek, tihhlawhtlinna tura kan ti tih a ni a. Chu pawh chu a lawmawm tho a ni. Fiscal Reform kan neih avangin Central Sorkarin min tiam e. Kan Loan ba, phok 21&22 naa sawiah khan kan Budget Speech ah khan kha kan Pass -na lawmawm deuhah khan NCDC atangte, Rural Electrification Corporation leh LIC atanga sum leh pai kan pukte kha an han consolidate a, chu chu nuaibo lovin kum 20 atan an postpone a, Debt swap an ti a, a pung sang a kha a aia hniam deuh a pung nei te thleng min phalsak. Chumi avangin vaibelchhe 60.99 lai mai pawh kha hlawkna kan nei a ni tih pawh kha, a lang hle a ni tih chu a lang a. Chuvangin, Financial Reform-ah pawh khan hei hi a ni.

.....232/-

Amaherawhchu, Financial Reform a a sawi pawimawh deuh pakhat chu 'write-off' a tih a kha lehkhabuah chuan write-off a awm lova, kha kha engtia nawr tur nge niang. Kan leiba write-off te pawh kha in pass chuan chumi zat chu kan nuaibo ang an ti ni ngei tur a ni. Mahse, kha nuaibo a langlo erawh kha chu a promise a kha a hlawhtling lo a ni. Loan pung tam lutuk te kha tlem deuh a ni.

Kan Budget Speech-ah khan kan Finance Minister-in a sawiah khan opening balance ah crore 104.17 in kan deficit a amaherawhchu, closing balance ah khan crore 83 kan surplus a, tih khan an ziak a, danin a phal a surplus anga kan la anih chuan a real term ah hian kan surplus tak tak em tih kha en ka duh deuh a ni. Financial Statement a pheh hmasa ber kha han en ila, Revenue Account a kan receipt leh kan expenditure balance a net lo chhuak Rs. 160025 lo chhuak te. Tin, Capital account-a total outlay zawng zawng kan neih tling khawm a kha Rs. 28,868.1 te leh public debt Sorkarin a Loan lian a puk te leh LIC leh market borrowing a puk lo tlingkhawm a receipt a hmuh zawng zawng atanga repayment han paih a net loh chhuak Rs. 1,20,219 lakhs te kha lak khawm chuanin a minus na chu crore 26.18 a ni. Actual anihna chu he lehkhah bu vek pheh 11-a 'total receipt consolidated' a pawisa hmuh zawng zawng kha crore 2216.49 a ni.

Tin, pheh 14-a kan consolidated fund a total expenditure lak khawm khan crore 2252.67 a ni. Receipt leh expenditure kha balance ila minus crore 26.18 tho alo chhuak a. Summary statement a kan pawisa a minus na chiah 26.18 nen hian a inmil chiah a ni. Kan opening balance crore 114.17 hi opening balance nen khan a deficit a surplus kan tih ngawt hi vaibelchhe 130.35 in kan minus a ni. Amaherawhchu, Public Relation Officer anga lan mawi theih dan kan zawng ta a. Public Account-a pawisa tlingkhawm Sorkar hnathawk tena an provident fund lakkhawm Sorkar pawisa ni miah lo kha Sorkarin a pawisa angin an chhut a. Khami a show kha nuai singkhat leh zakua leh sawmnga a ni. Khami kha receipt sight ah pawisa ni miah lo kha pawisa hmu angin an dah ta te te a. A minus an han paih takah khan a pumpui thuah khan, plus crore 83.31 kha a lo chhuak ta a ni. Amaherawhchu, hei hi lo chhut chiah mah teh u. Kan pawisa ni miah silo kan provident fund a lo tlingkhawm kha a short-na Central Sorkar-in a phal pawh ni se, Mizo mipuite han ngaihtuah tak tak a kan pawisa tak tak a ni em tih han chhut a kha balance a offset na tura a tak taka hmanna atan chuan a tlak miah lo a ni. Chuvangin, hei hi tun Budget balance hi 83.31 a kan plus kan tih ngawt hi a teuh lo mai.

Tahchuanin a pumpui thuah closing leh opening balance plus te hian heti lek hian 20.85 crore kan minus a ni tih a rawn show a hi pawisa hi a hmangin, hmang tak tak dawn ila crore 135.35 daih a ni.

Chuvang chuanin, public relation-ah a lan mawi nan chuan kan lang mawi e. Chuvang chuan a lan mawina tak tak, kan langmawi lo a ni tih a chian em em na chu helaia kan Gross Fical deficit ah pawh chuang lo turin tih lan a ngai ta a. Tun kuma kan Gross deficit ah hian vaibelchhe 113.65 hi deficit kan nei.

Hetia ziah loh theih loh kan nei hi pawl ka ti khawp mai. Chuvang chuan deficit hi a la lian hle a ni tih chu a lang chiang hle a. Tahchuanin, engpawh niselangin hma chu kan sawn e, kan ti anih chuan hma chu kan sawn e.

Han en chho leh ila, kan State Domestic product-ah te pawh hian 4.84% in hma kan sawn a. Chuvang chuan, kan State economic te pawh a thang chak khawp mai tih kan Finance Minister Speech-ah khan pheik khatnaah khan kan hmu a. Kan thang tak tak em ? Kan than dan hi 'real term' in kan thang em ? Mizorama kan than dan hi chhut chian a ngaiin ka hria. Engnge kan than dan ? Central Sorkar a thang lutuk a, chutah chuan pawisa kha 11<sup>th</sup> Five Year Plan ah ringawt pawh vaibelchhe sang 4500/- Plan Fund minrawn pe a, a kum hmasa a estimate aiin 10<sup>th</sup> Five Year Plan aiin kan hmasawna chu sang tak a ni. Tahchuan, kan budget-ah pawh khan kan estimate-ah pawh khan a sang chho hle mai a. Tun kumah pawh khan Plan Fund 850 crore kan hmu a, nikum ai khan a sang chho zel a ni. Engvangin nge hei hi a san kan thanna tak tak a ni em ? Central Sorkar atanga pawisa lo lutah khan kan Revenue Receipt ah khan en ta ila. Thang ang chuan a lang nang a, pawisa chu a lo lut hmem a ni. 2006-2007 ah khan crore 1965 a lo lut a, 2007-2008 Revenue tunah hianin State-a kan pawisa Central-a kan hmuh te kha Revenue site ah khan 1036 crore in a sang chho zel a. 2008 leh 2009 ah pheichuan crore 2105.90 in a chho leh a, 2009 leh 2010 ah pawh hian 2267 a crore in a cho ta a. Thang han tih tur chuan a lang a ni. Amaherawhchu, keimahni 'real term' a kan thawh chuan a thang nge Central pawisa a lo tam a, Central pawisa a lut tam tial tial a. Chu chu keimahni than dan kan show mai ang tih hi ngaihtuah a ngai viau a ni. Chutiang lai chuanin kan pawisa puk a hi englai pawhin crore 400 chuang chu englai pawhin kan puk chhoh a ngai zel si a. Capital receipt han en khan kum tin a ni a. 2009 - 2010 thleng pawh khan 405.45 crore hi kan puk a ngai ta a ni.

Hemi avang tak hian han ngaihtuah ta ila, kan leiba te pawh hi a dik tak chuan a pung tial tial a ni lawm ni ? tih hmuh theih turin helai kan financial statement ah hian a lo lang ta reng a ni. Kan outstanding liability kum tina kan leiba pun chhoh dan hi. 2006-2007 ah hian 2792 crore a nil a. Mahse, kum an ral chiah hian 2808 crore in tun kumtawpah hian a pung chho dawn a ni. Tuna kan leiba hi a tawpah chuan 3011 crore-ah a chho dawn a. 2008-2009 ah pheichuan kan leiba hi 3245.15 crore ah a chho dawn a, 2009-2010 ah pheichuan kan leiba hi a tam tur zia chu 3484 crore, kan budget aia tam fe a chho zel dawn a ni tih hi a lang a. Chuvangin, kan thang tak tak nge leiba a pung tih hi kan inchhut a ngai a ni. Kan Gross State Domestic Product, Mizorama kan lo thawhchhuah ve pawh hi a pung a ni tih kan han show chho a. Chuta kan shwo naah chuan kan GSDP punchhoh dan te hi hei 2006-2007 ah 2965 crore kan thawhchhuah angin a lang a. 2007-2008 ah 3258 crore angin a lang a 2008-2009 ah 3611 crore angin a lang leh a. 2009-2010 ah pheichuan 4006.78 crore a ni. GSDP ti thang tu hi engnge kan tih chuan, Central atanga pawisa rawn pump lut revenue account Central Sorkar atanga Revenue Account ah Central-in a Non-Plan Central Government te han en hian a pung chho chak em em mai a. Chumi a pun zarah chuan a loh theih loh in kan show lian ta ringawt a ni.

Mizoram-ah hian real-term ah hian thanna reng reng kan neil. Central Sorkar in min pek hnem leh thang angin kan lang. Min pek tlem leh kan hniam leh ta. Chutiang vel mai mai chu kan nih avangin real-term a pawisa earn na tur hi capital investment hi engnge maw le tih kan ngaihtuah hian he Sorkar hian hma a lak danah hian tan a ngai hle a ni. Entirnan, Revenue earning capital invesment hi engnge kan tih chuan han sawi tur ah chuan khulaia feed-plant kan siam te khu a ni a. khulaia Tanhril amite pawh dik tak chuan thawk ta sela chuan vawiinniah a revenue earn tur hi a crore tela kal chho tur a ni. Mahse, vawiinniah hian a nikhat thawhchhuah tur hi kumkhat pawh a chhuak hlei thei lo khawp khuan an run tha leh bawk silova.

Tin, kan revenue earn na tur leh kan pawisa thawk chhuak thei tura an Capital investment reng reng hi Tuirial Hydel Project te kan tichhe vek zel si a. Refferal Hospital te sum tam tak chhuahna tur, helai veng vela kan in entirna tur tlawm zawk te hi awmze neiloah kan chhuah zel si a. Chuvangin, kan capital investment zawng zawng vawiinniah revenue earning unit siam miah lo hian a thisawn vek a. Chuvangin, real-term hian Mizoram Sorkar economy hi a thang miah lova. Central Sorkar pawisa lo luh tam dan a thuin kan growth kan show mai mai a ni. Hei vang hian Mizoram hi kan inngaihtuah chian a tul a. Khawngaih takin investment hi ngaihtuah Chiang tawh ang u. Tuirial Hydel Project-a te kha chu zo ta se chuan, kum tina a thawhchhuah atanga kan Revenue Earned tur an chhut te kha a crore chu a la kal chho tur a nia. Chutiang zelin hei helai hian Project tam tak pawhrawn sawi a nei. Engemaw kan earned theihna tur ang chi a capital investment hi kan neih hma loh chuan Mizoram hi kan thang tak tak dawn lo. Chuvang chuanin kan economy-a vawiinniah kan show ang khan kan thang ve e kan han tih a te pawh hi, anihna takah chuan Public Relation Officer-in arawn show ang chauh kha a ni. Real Terms in Mizoram ina kan thawhchhuah ve theihna turin investment pakhatmah a awm loh avangin, chu investment atanga Revenue Earning Unit engmah kan neih siloh avangin than tehna tak tak real terms hi a awm tlat lo mai a. Hei vang hian kan budget hi chu a pawika ti viau a ni.

Vawiinniah hian kan Economy ah hian Mizoram Economy hi a enkawl tute hi kan Sorkar hi fimkhur tawh se ka duh a. A thawhchhuak chi investment lampang hi uar tawh se. Central Sorkara depend ang zawnga kal ai hian keimahni he ram atanga kan earned ve theihna lampang zawnga kan show theih ve hunah chuan kan Economy hi a thang e kan tih ve theih ka ring, ka lawm e.

**PU SAIKAPTHIANGA**

:

Pu Deputy Speaker, hun min pek avangin ka lawm e. Pu Deputy Speaker, kan Chief Minister Finance Minister ni bawkina Budget arawn pharh leh arawn buatsaih dan hrim hrim hi a lawmawm ka ti a. A ruahmanna hrim hrim hi a fiahfai tha hlein ka hre bawk a. Hman lawka kan Dan pass, Mizoram Fiscal Budget Management Dan kan hman rah te pawh kha niin ka ring a. Tin, hemi rual hian kum thar lamah chuan Public Procurement Act tenen arawn intuam tawh ka ring a. Chutah pheichuan a fiah leh zualin ka ring a ni.



Tin, a buatsaih danah kan Chief Minister, Finance Minister mai nilovin Department a thawk tu te, an serious hle a ni tih chiangin ka hria. Hei kum engemaw chen kan awmve lai atanga kan awmlah kar pawh khan India ram Sawrkar ruahmanna fel hleih theih loh vangte pawh a ni ang a, budget hi a pumpuiah discuss loh hun rei tak a awm a, tun hi nichina ka hma a Member zahawm takin a sawi ang khan a pumpuia kan discuss theih kan telve leh hnuah chuan niin ka hria a. Chuvangchuan he kan Budget discussion leh a hman chung chang hi Mizo mipui ten an hrechak hle pawn ka ring a. A dik ang ang hi a Budget Bu hi chu sawi tha in ka ring a, a figure leh engemaw a system zawnga helai kan han sawikual hian hlawkna tehchiam neiin ka ring lova.

Tin, leiba tam chungchang hrim hrim hi State dangte han thlirin tunhma a manganthlak lutuka kan ngaih ang kha ni hian ka hre ta lova ni. Kan thawh tam kan hman tam chuan India ram Sawrkar Financing System ah hian Bat pawh hi a tam tur a ni. Amaherawhchu, thawk tam lova Bat tam emaw, bat tam sia thawh that loh emaw lai kha a pawimawh lai leh kan lo ti thin anih pawhin sim tur chi niin ka hre mai a. Tichuan para 9-na Deficit and Surplus in the Budget tih lai pawh hi a lawmawm thawkhatin ka hria a. 104.17 crore-in Budget deficit-a tan tur a tawpna tur chu 20.86 crore han beisei te hi thil ropui tak a ni a. Kan hma a Member zahawm tak khan 83.31 crore hi Sawrkar hnathawk dah khawm, Sawrkar ta nilem lo avangin he figure hi a lo chhuak a ni a tih kha a dik tho lai khan Sawrkar khan kha pawisa kha an kawl miau chuan Sawrkar khan a Budget a a reflect tih tur ni maw ka lo ti mai a ka chhut thiam lo nge ni.

Tichuan Pu Deputy Speaker, kan budget hi a fel fai tha a, a tum pawh a chiangin ka hria a. Mahse a buah ringawt hian Zoram mipui hi a inghah theih lova. Chuvangin, a bu-in a tum mipui a nghawngna lai tur kha vawiinniah hi chuan zu sawi uar deuh hlek kan duh a. Thil tam tak sawi tur a awm theiin ka ring a. Demand wise-a pharh hunah tepawh kan la luh chilh ang a. Hei para 27-na Priority Sector hi zu luhchilh deuh hlek ka duh a. Mizoramah hian hmasawna nasa tak a awm a. Aizawl khawpui han tlan a motor tha tak tak lo pun nasat zia leh hmun hrang hranga motor service a tam tak dante zu ngaihtuah hian Aizawl-ah hi chuan nasa takin hma kan sawn a ni. Mahse, Zokhaw lam han thlir ila, Aizawl leh a chhehvel khaw lian deuh deuh hian Mizorama sum lo lut hi an eizo emaw tih mai tur khawp hian zokhaw lam hi kan rep riau mai a. Chuvangin, he priority sector, Agriculture and Allied activities leh Rural Development hi tuna kan kal anga kan kal hi chuan kan ram hi a bai dawnin ka hria a. Chuvang chuan helaiah hian han luh thuk deuh ka duh a.

Tin, kan hriat theuh angin Central-ah UPA Sorkar ah party hrang hrang an tel a. Chutiang chuan keini pawh MNF party Sorkar-ah MCP Member in kan awm a. CPM kan tihte, party hrang hrang ten an han sawi an han sawi a, an bialte leh an chakna State-te an ngaipawimawh ber angin vawiinah pawh hian Kawrthah bial hi ngaihpawimawh ber ka duh a. Kan budget sawi rual hian chulai chu han sawi luh ka duh a.

Kan hriat theuh angin MIP, BAFFACOS atangtein zokhua mautam tur do lawkna, lo inpuahchahna mai bakah normal development scheme hrim hrim hi hun engemaw chen a kal tawh a. Kawrthah bial khu tun hmaa kan hriat theuh angin Serthlum thatna ram a ni a. Serthlum kan thar a tha takin, ei leh barah pawh kan changkangin kan khawtlang nun pawh a kang sang hle a ni. Mahse hun engemawti atang khan kan Serthlum a tam tak vek avangin tunah khuan mipui hian income kan neilo reng reng a. Chumi thlakna tur atan chuan Horticulture Department te hi kan han beisei thin a. Mahse, thil tak tak a lo thleng dawn emaw kan ti a, a awm hlei thei lova. Chuvang chuan Department-in a hma a ni emaw nilo emaw a tha bera kan hriat tak chu mautam do nan lo inbuatsaih nan pawh leh long term development atan pawh kuhva phunna tur kuhva tiak leina tur pawisa hi a mipui zawng zawng hian kan duh ringawt mai a. Chu chu he priority sector kan ti a Agriculture and allied, Horticulture te, RD te tiang hian nasa taka kan Sorkar hian min tihpui loh chuan ramri hrul a ni a. Chuvang chuan kan ram hmel tilangtu bial te pawh a nihna chin a awm a. Chu chu a pawimawh ka ti a. Helai a rawn ziah dan ang ngau ngau hi chu zu thalo lai pawh a awm hranin ka hrelo a. Amaherawhchu, MIP atangin Sawhthing loan kan pe a, kan thatpuiin ka hrelo. Chutiang bawkin tunah hian Aieng kan kan ti leh a, Aieng pawh hi kan thatpui ka ring miah lova. Tin, a buatsaih dan hrim hrima hi a felfai leh dawn pawhin ka hrelo. Chuvang chuan, he priority sector hi uluk zawka kan Sorkarin a nih anga kan pass hnuah pawh a rawn enzui ka duh a. Aieng ching tur hian ni 30<sup>th</sup> October, 2006 khan Circle Officer, Horticulture, West Phaileng chuan ka biala khaw pakhat chhungkaw 40 a lo thlang a. Chumi nena inmila lo vat tur chuan lehkha a pe a, tunah a ching tur an han thlang leh a, an tel leh der si lo.

Tichuan Mizorama Aieng kan lei zo phawt ang a. Ramdang ami kan lei ang tih te pawh hi kan Chief Minister hnenah pawh hian dik a ka rin loh thu ka sawi tawh a. Tichuan a kal zel a, tunah chuan Tuipuibari ah engemaw zat lei loh a la awm a, lei tur pawhin Department tepawh kan hriattir a. Mizoram ami lei zo silova ram dang ami to taka lei hi mipui tan a that ka ringlo hrim hrim. Chu ai chuan Sawhthing loan atan a pawisa tam tak kan pek tuna la mu thup mai hi he MIP pawisa a ni emaw, BAFFACOS pawisa ani emaw hian leisak ila Aieng kan lei thei anih chuan Sawhthing her theih dan hi kan ngaihtuah a tha. Chuvang chuan hnaitea kan mipuite mautam lo kal tur kan in rinlawkna atana kan buatsaih theih a kual zawng lo in ti ila. Kan budget hi kan pass lo theilo ang a, en that leh atan tha hlein ka ring a ni. Chutiang bawkin chuan zawhnaah te ka zawt a, kan sawi ang khan a bu chhung hi chu a tha, hun engemaw chen mipui leh Pathian zarah budget bu pharhna ah hian kan tel ve tawh a tun tum hi a that ber tum pawh a niin ka hria a. Mahse, chumi rual chuan a pawnsam mipui nen a in hnekna lai a kha uar takin vawiin niah hian kan sawi duh a ni. A pun dan zawngte pawh a tha. Vaibelchhe 92 zetin a rawn pung a ni.

Tin a pawisa pawh hi kan ram nena inmila chuan a tam tawh thawkhat a ni. Amaherawhchu, a tak taka kan hmanna lai tur a hi kan ngaihtuah chian a tha hlein ka hria a. Hei, khawchhak lamah chuan Sapthei kan ching a, grape te kan ching a, hmasawanna nasa tak a awm pawh a ni mai thei a. Mahse.

Tlawng thlanglam hrim hrimah hian a ram leilung nena inhmeh a, a ram mipui tena an hman tangkai tur eizawna tur ruahmanna hi a tlachham lutuk a. Chuvang chuan, helai hi uar takin vawiin General Discussion ah hian kan sawi duh a ni.

Pu Deputy Speaker, sawi tur tam tak a awm a, chhiah chungchangah te pawh hian kan budget ah hian kan thawh chhuah pawh hi a tam ve ta hlein ka hria a. Helaiiah tui chhiah tih te, electric bill tih te kan sawi fova, heng hi chu normal ang deuh pawhin lo ngai ta ila, agriculture ina irrigation a siam sak hemi a tui bill han siam tumte hi chu a la hunlo mange aw ka ti a. Agriculture Department ina irrigation an siam avanga kan kut hnathawktu ten hma an sawna hi sawi tur a la tam lo hle a ni. Khawilai laiah emaw chuan an that phah bawk a. He hna hi hna kallai mek a la ni a. Irrigation avanga thlai te double cropping kan tih angte a lo hlawhtlin chhoh hunah heng hi chu la tih nise tha awm hlein ka hria a.

Pu Speaker, kan zirna chungchangah hian tawite ka sawi duh a, helaiia rawn sawilan ang hian kan zirna chungchang hi thahnemngaihna thilah tun hma aiin Sorkar hi a tangkai ti mai ila, Sorkar kuthlakna hi a lo lian chho ta a. Tun hmaa kan hriat ngai loh SSA atang tein sum tam tak kan hmu thei a. Hetah pawh hian SSA leh Education Department pangngai thin kal dan hi dahkawp tlat lehzual dan hi ngaihtuah a tha awm mange aw ka ti a. Khawi lai laiah emaw hi chuan a kalhrang lutuk deuh a ni lawm ni tih theihin a awmin ka hria a. Chung te chu Pu Speaker, kan sawi duh a.

Pu Speaker, hun a tawi si a, khawthlang lam khu kan harsa em em a ni tih he House zahawm takah hian ka sawi duh a. A chhan chu kan in hnangfakna ber thin kan thlai a chhe vek a. Tichuan, hun rei tak atanga kan lo inbuatsaihna kan Teak 1970 District Council hunlai atanga reserve a nih avangin Tut thlang zawng zawng in kan hralh thei lo vek a, hengte pawh hi Sorkar hian tun aia chak zawka kan ngaihtuah hi a ngai a ni. Chuvang chuan, eizawna hi kan harsa tak tak a, kan Teak te khu hralh theih nise Pu Speaker pawisa tam tak la lut mai tur kan ni. Hetah pawh hian ka zawh fo chu kha protected reserve dan a lo ding a nih pawhin a thlang lama reserve chhunga tihah khuan Leilet tam tak a awm a, tumahin min sawi buai lova. Fisheries tam tak a awm a, Horticulture a awm a. Chutiang chuan eizawna pangngai hi a kal vek a. Engatinge Forest Department hnuaiia kan Teak hi khuahkhirh a nih tak tlat bik? Sangha a hralh theih a, Serthlum a hralh theih a, Hatkora a hralh theih a, kan thar zawng zawng kan hralh theih a. Engatinge Teak hi kan hralh theih loh bik? Teak hi a tha lova, a remchang lo a nih pawhin Forest Department-in min tihmuh a Forest Department berin an phun bawk si a.

Chuvangchuan khulai khu khawthlang lamah tuikuk helin min chim reng bawk nen, Special attention tak tak hi kan Sokar hian min pek a ngai hle a ni. Tunah pawh Krismas leh Kumthar inkar khan Teirei PWD leilawn Highway thawktute motor-in a rap chhia a, tunah khuan Motor lian pawh a kal thei lova.

Krismas leh Kumthar inkar ami a ni a, hei tun hi kan thleng leh tawh a. Tichuan an venga Full load kal a piang an unload a ni a. Chuvangchuan, khulai harsatna khu Pu Deputy Speaker, vawiinnia kan budget duhawm tak hmalam eng pawh tam tak min chhawp saktu kan sawiho ni hian uar tak leh duham takin kan sawi a ni. Ka lawm e.

**PU S. HIATO**

: Pu Deputy Speaker, ka lawm e. Budget hi a that leh that loh kan insawi siak a. A thatna tam tak a awm ang a, thatlohna pawh a awm ang tih hi ka pawm dan a ni mai a. Budget tha hi kan teh ve thin dan chuan mirethei a thleng pha em ? Miretheite chawmna tur a tel em an him em ? Ei hmuhna turin leina tur a awm em ? tih hi tihna pakhat chu a ni fo a ni.

Tin, chubakah Budget-ah hian Tax lak thar a awm em tih hi a thatlohna a ngaih tlangpui a ni a. Thil manto thinte hi a control em ? A control-na tur a tel em tih te hi an tehna chu a ni. Tahchuan vawiina kan budget kan en hian a pawisa chu a tam viau va, a lawmawm a. Mipuiin kan mamawh hmasa ber ta chu kan Chief Minister-in a portfolio Agriculture a lak lai kum thum chhunga intodelh a tih kha kum riat a ni tawh a. Kan intodelh thei lova, nitinin kan mamawh chu Agriculture a ni. Ei kan neih phawt loh chuan thildang pawimawh a awm thei lo. Sorkar hnathawk leh Sorkar a tlatlum tan chuan tih theih dan a awm a, tlatlum lo tan chuan thingtlang hi kan kun tlawk tlawk a ni tih hi an hre tho na a, budget-ah hian ngaihsak vak a hlawh lohna lai hi ka sawi duh a. Agriculture hian kal dan phung chi dang dang hi a ti thin a, a fuh hlei theilo niin ka hria a. Sapthei kan tih te, Sawhthing kan tihte, mau te pawh ni rawh se, thil dang dang hi kan ti thin a, Mahse, mipui hnen va thleng a tih tur min pe chhuak tur hi a la awmlo a ni.

Tun hnaiah Aieng kan ti thar leh ngawt a. Kawrthah bialtu pain a sawi ang khan Aieng ti em emin kan buaipui leh a, hralhna tur pawh hi intichiang tawh emaw nile tih hi ka zawt duh a ni. A chian loh phei chuan Sawhthing in ti tawl tawh a, kan dah mai mai a, pawisa hmuhna tur zawng zawng a inkhar tawh a, Sawhthingah. Tunah Aieng kan ti leh ang a, Aieng hian intodelhna tak tak a thlen ang em ? Eitur kha a awm ang em ? Silchar lam atanga buhfai lokal, FCI buhfai -a innghat tawp reng mai, kumtin a kal mai, kumtina budget pass mai, a tha deuh e, priority kan pe a ti a, tak tak thlenglo hi chu budget tha a nih ka ring theilo a ni.

Tin, Mizoram ina intodelhna tur kan duh em em kan hriat theuh, Power & Electricity a ni a. Power & Electricity a ni a. Power & Electricity-ah hian hmalakna kan nei chau em em a, speech-ah pawh hian a chau a ni. Serlui 'B' Mega Watt 12 chauh ti chhuak thei tur uan a sawi tlak a ni lo. Power hi a awm phawt loh chuan kan thangtheilo a ni tih kan hria a. Keinin kan ngaihnepe ve deuh zawk Arunachal State te tunah hian 13000 MW chuang an nei a, an ti chhuak a. Kum hnih kal turah chuan Mega Watt nuaikhat chuang an tihchhuak dawn a ni. A

Revenue an hmuh kha 8%-12% a ni dawn a. Khami a chhuah hnuah chuan an State pawh a thlawnin Electric an pe thei dawn a ni. Keini hmalak dan em em hi chu te tak te te a kal hi a tha lo ka ti a, kan sawi thin angin in sawisel a ni lo, a tak ram a ni si a. Bairabi a kal thei tawh lova, Tuirial a kal thei tawh lova, Chhimtuipui Lungsen bul ami phase-I a kal thei tawh lova. 60 MW, 70 chunglam reng reng a kal thei lova, 12 MW ah te Congress Sorkar hlui hlawn tawh Serlui B te kan ti thar tha leh a. Chumi hnuah 3, 5 MW te tichhuak tura kan tlan fo hi chuan Mizoram hi a thang dawn lo. budget tha a ni ngailo hrim hrim ang. Chumi a lian tur zawng chuan kan kal a ngai a ni. Hemi zawng zawng kan neih theih hunah chuan budget tha pawh kan nei ang a. tih hi ka ngaihdan a ni.

Tin, mitinin kan mamawh em em chu tui in tur a ni. A lova kan awm theih loh chu tui a ni. Kan tui plan te hi Aizawl phase-II te kan ti a. March thla chhungin kan Commission ang an ti a, Commission leh mahse Aizawl hmun tam takah chuan a harsa leh dawn tho tho a. Tin, thingtlang lam tam tak an harsa, kan District Headquarters ngei ngei te pawh a bik takin Lawngtlai te phei chu tunah hian tui in tur chu sawi loh hmai phihna tur pawh an ren tawh a ni. Chuti khawp a awm lai in tui in tur plan lian a awm thei ta lo hi awmsa atang ringawt a kan inngah hi a dik lo a ni.

Tin, mihringin kan mamawh leh chu chenna in a ni mai, mi rethei zawkte chenna in tur IAY atingin in han pe ve na a, kan sawi leh sawi hnu party induhsakna mai kha a nia mipakhatin vawi 3/4 hmu tawh te an awm a. VCP in a la a, a nupui, a fate thlengin an la a. Chutiang chu report pawh kan pe vek tawh che u. Khatiang mai mai a kal chuan chenna in hi a awm thei lo. Congress hun lai khan Rangva kan sem a nuihza viau pawh in awm, mahse kan tangkai pui a ni. Khawtinah Rangva in an neih chuan an thla a muang a ni. Tui te pawh a dawh theih Di in/Thilthek in hnuai a awm ang hi a ni lo. Chuvangin chutiang zawnga chenna in mipui hnena thleng pha tur hi hetah hian a awm lo.

Education-ah han kal leh lawk ila, Education hi a dang zawng aiin a pawimawh ve em em a, amaherawhchu, pakhat chauh Demand sawi hunah a dang chu ka sawi ang a, ka ngaihawh ve em em chu Education-ah hian English Medium a School dingah permission kan pe chak lutuk. Playground tur nei lo, a awmna hmun pawh neilo khati mai mai kha khawtinah permit kan pe a. hmun tinah English Medium hi a ding a, hei hi Education-ah kan chhiat pahin ka hre tlat a. Tin, tam tak chuan sundawn nan hian an hmang nasa a Commercial Institution hi a ni ta ringawt mai a, kan faten English Medium kal an duh vek si a, mahse, a quality a tha silova, a building/environment a tha si lova. Chuvangin, hetiang te hi en ngun theih ni se a tha ka ti.

Chulo leha chuan midangin min sawi sak ngai si lova, District Council hi a sawi loh theih loh, in ning viau ang tih pawh ka ring thin. Thenkhat phei chuan a sawi leh dawn minti sa thin pawhin ka ring. Sawi leh a

ngai tlat thin. Party-a induhsak lutukna a dik leh dik loh ngaituah lova mahni party Sorkarna siam tir talh tum a kan bei lutuk hian kan District Council hi min tichhe em em a, tam tak phei chu nakinah MLA, Minister te in nih loh hnuah phei chuan tlawh hreawm in ti viau ang. A chhe lam a nilo, tih chhiat tawh kha a nasa em a ni. Aizawl atangin rorel sak vek an ni a, kan District Council C.E.M. helamah in ko phei a, in duh ang angin hna in thawh tir a. An that loh lai kan report leh action in la duh silova, in ti thalo ti mai ang khawngaihni min hrethiam ula.

Tin, development pawisa reng reng hi an mahni ta emaw ti awm takin mipui hnenah a kal tawh bawk silova, insem mai mai ten a kal aparty puite chu engmah thawk lo pawhin an sem mai a, ka sawi ang khan High Court/Suprem Court kalna turah nominated Seat vote an nei thei dawn lo an tih yang ringawt in Governor in Nominated Seat hi vote an nei thei dawn lo, Session January 8, 2007 ah koh ni rawh se a ti a. Chuta a khinna tur chu council pawisa veng, single bench-a Division Bench a Supreme Court a khatiang zawng zawng a thlawna pawisa an hman pawh kha nangmahnin in phal tlat a lawm. Engatinge anmahni pawisa a an kal mai loh. Chu chuan kan budget leh kan moral a ti chhe lutuk tawh a ni tih hi ka sawi duh a ni.

Tin, District Council te tak te a ni a, kan Chief Minister hnenah pawh ka sawi tawh a, kan Chief Minister leh kan Speaker Car angte hi E.M. te, Chairman ten an lei fur a ni a tha ber ber chi, chutiang chu a nilo ang a kan tih pawh hi kan sawi a, mahni party pui chu a tha deuh ta nge pawh ka hre lova. A tak tak a rilru min sen pui na awmla hi a hreawm kan ti a ni.

Tun tumah pawh kan in thlang leh dawn a. in thlan pawh hian kan Minister te hi in vaiin in rawn kal thin a. Official te hi Circuit House-ah in ko va, in vau thin a ni tih hi kan hrechiang a ni, Official ho thin in tihrim pawh hi a tam viau tawh a ni. Hetianga tih hi sim a tha, Election kan nei leh dawn a free and fair takin min neih pui rawh u tih hi ka chah duh che u a ni. Sawlai pawisa awm tu tute emaw in saving an neihte, tute bial emaw tan puk sak tawh suh u, in puk sak a, in ti thin a chu chuan in tlin phahna bial pawh a awm nual a ni, sawi tur kan nei teuh a ni.

Tin, Govt. Machineries ho Election khawihtute an fair lo lutuk, bawm tepawh anmahniin an hawng ngam a nia. Saiha vengpui bawmte kha kan Minister DCA zahawm tak pawn a hriat. Chutiang bawkin vote thlak zawh hnuah a bawm kha pawnlama kalh pawh kha an phal lova, kalh a ngailo kan veng ang an ti a. An tichingpen nasa ang tih hi ka ring a ni. Tin, vote chhiar niin vote an chhiar a, doubtful vote hi chhiar pawh ka phallo reng reng, doubtful vote pawh chhiar nawn pawh phallo kha, khatiang Sorkar in namnul Sorkar din yang khan a nih hi a tlo pawh a tlo loh ni. Khawngaih takin hei hi chu kan la serious a ni tih hi min hriatpui ve rawh u, kei chiah hi au thin ka nih avangin. Pu Thaliana te an au chak thin viau nain an au a rem ve thin silova, Pu Thawla pawh a rem mang bawk si lova, kei hian ka au kep a nih hi tih ka sawi duh e. Pu Speaker, ka lawm e.

**PU ALOK BIKASH CHAKMA :**

Pu Deputy Speaker, ka lawm e. Budget Session 2007 – 2008 General Discussion ah hian a figures lam hi hrekimlo mah ilangin a General Discussion a nih angin a general deuh kan sawi ang a. He budget hi a tlangpuiin a tha ka ti a, a chhan chu hemi a priority sector atanga en hian mipui ta a ni tih a chiang a. Agriculture & Allied Activities & Rural Development tihah hian kan Chakma District Council huamchhunga Sorkarin hmalak tawhna te en hian he Sorkar hian hna a thawk a ni tih hi ka hria a. Entirnan- Chakma D.C. huamchhung leilet laihna te, Rural Agriculture Link Road siamte kan en hian he Sorkar hian Agriculture lamah hma a la lak tih hi kan bial chhungah chuan hmuh theihin a awm a ni. Road Project chungchangah hian tun hma zawng Sorkar chuan tawngkamin kawng min laih sak thin a. Mahse, tun Sorkar hian kan D.C. huamchhunga kalpawhna hi tha tak nei a. World Bank pawisa hmangin Rotlang to Chawngte kawng hi min metal sak a. Mipui, mikhual zinte harsatna kan nei vak lem lova. PMGSY pawisa hmangin Diltlang – Chawngte, Borapansuri – Kamalanagar. Kamlagar to Ajaysura kawng an lei mek a. Hemi Road Project ah hian a bikin kan awmna ramah chuan hna hi chu Sorkarin a thawk a ni tih hi kan hmu a ni.

Education leh Health ah hian SSA atanga pawisa leh R.S.V. Yajana atangte leh State Plan pawisa atangin Education leh Health ah hian hma tam tak lak a ni tih a hmuh theih a. Kalamanager College, tunhmaa kan beisei phak lohte tunah deficit ah min hlankai sakte hi Sorkar-ah hian Chakma D.C. chhunga awmte hi kan lawm takzet a ni.

Tin, heng lamah te pawh khan tunhmaa Health Centre awm ngailo leh Quarter awm ngailo te pawh hi tunah RSVY pawisa atang tein Quarter tha tak, concrete building Health Sub-Centre awmnaah hian tam zawkah min sak sak tawh a. Tunah helamah te pawh hma kan sawn a ni tih hi sawi ka duh a. Tin, post engemawzat, Plan atanga Non-Plan lo lak tur Sorkarin a ruahman kha a tha ka ti a. Hei hi Sorkar hnathawk, plan atanga Non-plan ah kaih tur te hi a lawmawm ka ti a. Group C leh D Sorkar hnathawk, non planah lak tur Sorkarin ruahmanna alo siam hi a tha ka tih pui a.

Tin, LAD fund kan Finance Minister-in nuai 10 atanga nuai 15 min tihpun sakna kha a lawmawm hlein ka hria a. Hei hi chu kan area bikah area tan thil mamawh tih theih nan kan Sorkarin min duhsakna hi kan zavaia lawmna tur thil a ni a. Kan Budget-ah hetiang, a sumah min tihpun sak te hi a lawmawm ka ti a. Tin, Sorkar hian duh sak bik a neiin ka hre lova. Entirnan, nimin maiah Tlabung bial, kan V/C ten MNF Village Council ho ten phone-in min bia a. Tlabungah hian Congress V/C hi an duhsak bik a niang, entirnan Diblibagh leh Nunsury khuate khan Community Hall te a awm a, keini MNF V/C ah hian a awm lova. Chuvang chuan, kan Tlabung MLA pawh khan kha kha a hria ang a. Chuvang chuan, he Sorkar hian duhsak bik a neilovin ka hria a. Tin, Tlabung bikah hian hemi food for work-ah pawh khan Congress V/C hi sumah pawh an hmu tam niin ka hria a. Chuvangin, he Sorkar hian duhsak bik a nei lova tih hi chu Tlabung bial enkawl dan atang pawhin alang hlein ka hria a.

Tin, kan Chakma Autonomous District Council hi tun hma kan ngaihtuahin MNF Sorkar lo awm atang khan kawng engkimah hma kan sawnin ka hria a. Road Communication ah te, Education lamah te, tin khatih rual rual khan leilawn tunhma suspension bridge pawh chhe tak mai kan neih te kha tunah he Sorkar hun chhung hian permanent bridge kan lo nei ta a, tunah hian an la zo lo nangin April thla velah zo turah kan ngai a, hetiang permanent bridge kan lo neite hi kan Chakma mipui ten kan lawm tak zet a ni.

Tin, kha mailo thil dangah tepawh khan hma kan sawn a ni. Entirnan, keini chhimlam district pahnih Lawngtlai leh Saiha te hi kan vannei bik zualin ka hria a. NREG Programme te hi he District pahnihah hian implement a ni a, an sawi hmang chuan he programme hi UPA Sorkar din hnuah tih a ni a, mipui mirethei inhlawhfakna neilo tan kan chhawr tangkai viauin ka hria a.

Mipui hnathawk tur neilo pawh khan ni khatah Rs. 91/- hlawhin hna an thawk a, ei leh in turah hian engemaw chen min chawm te a ni tih hi keini District Council pathum Lawngtlai, Lai, Mara leh Chakma District Council mipui chuan an lawm hle tih hi chu ka hria a. Chuvangchuan, tuna budget siam hi mipui tan a tha tih hi a dikin ka hria a ni. Pu Deputy Speaker, ka lawm e.

**PU H. VANLALTHALIANA** : Pu Deputy Speaker, ka lawm e. Hei vawiina kan General Discussion hi a zawhna lam alo ni ta reng mai a. MNF Sorkar Chief Minister zahawm tak Pu Zoramthanga kaihhruaina a Mizoram enkawl na sum leh pai ah hma kan sawn nasa hle a. Kan budget pawh a tha a, Mizoram pawhin hma kawng hrang hrangin kan sawn niin ka hria a, a lawmawm ka ti a. Sum leh pai enkawl hi a harsa em em a, chutiang chung chuan sum leh pai enkawl thiam Sorkar kan nei hi a ropuiin ka hria a. Kan budget kal hmang han en hian sum leh pai hmasawna tam tak kan hmuh bakah Financial Management ah hlawhtlina tam tak kan hmu a, tun hmaa Treasury khar tih ang tepawh alo awm ta miah lova, kan Chief Minister zahawm tak Budget Speech a a han tarlan, the period of stopage of payments from the Treasuries due to mismatches in the Govt. Account that's were very prevalent smve years back have now become a thing of the post, a han tih hian sum leh pai enkawl naah Sorkar a thain a chak tawk a ni tih a tarlangin ka hria a ni, a ropui ka ti tak zet a. Hei hi he House pawh hian lawmawm a tih ka ring a. Sum leh pai enkawl thiam Sorkar kan neih hian Mizoram mipui zawng zawng tan a tha, Mizoram mipui te tan hlawkna a ni tih kha a tarlangin ka hria a, ropui ka ti tak zet a ni.

Kan hriat theuh angin mahni a sum leh pai thawk chhuak thei vaklo State, State naupang tak kan ni a, mipui ten a an thawhchhuah theihna tur leh annahni a ei an zawn ngheh theihna tur kawng pawh zawng chawpte, dap chawp te, bul tan ngai deuh vek kan la ni a. Chuti chung mipui a tanga thawk chhuak tur a beisei ngam ngaihna awmin ka hre lova. Chutiang kawnga Sorkarin a mipui tana hma a lakna hi ropui hlein ka hria a. Hmasawna kawnga kan mamawh ber nia ka hriat chu kalkawng pui tha niin ka hria a. Mizoramah hian bial kilkhawr



ber leh bial harsa ber kan niin ka ring a. Chutiang dinhmun atanga hmasawna lo thlir tu tan chuan kal kawng pawimawhzia te, agriculture emaw kawng hrang hrang hmasawna ti dawn ta ila, hma la dawn ta ila kalkawng a awm loh chuan a tih theih loh vek zel mai a ni. Chutiang kawng hria a Sorkarin hmalakna ropui tak tak thingtlang pawh tura kalkawng a han lai te hi ropui hlein ka hria a. He Sorkar hian Mizoram mamawh dik tak a hria niin ka hria a, ropui ka ti em em a ni. Tun hma MLA hmasa zawng zawng khan bial an tlawh thei ngailova, a thalai deuh te pawh kan ni a, bial ka zuk tlawh hian election campaign naah pawh kan hmuh ngailoh MLA kan hmu che a ni tih khaw engemaw zatah ka tawng a ni. A chhan chu kalpawhna nei miah lo, Committee naah R.D. Committee naah ka sawi tawh a, wawi khat chu kawng NREGS atangin an lai ve a ka bial ten. Motor kalna tur an ti a an tuikhur kalna kawng, an lui kalna kawng kha an lai zau tawp mai a, a laiah rahbi an tuk a. Chutiang chuan kal kawng kha an lai a ni. Hei hi eng kawng atan nge in laih ka ti a. Motor kalna tur an ti a. Mihring pawh in kal thei lova, a laiah rahbi in tuk a nisi a ka ti a. kan thiam dan a ni an ti a ni. Chutiang khawp bial atanga lo kal tan chuan tun a Sorkarin a Zoram hmasawna tur a kalkawngpui a ngai pawimawh hi ropuiin ka hria a. kan tarlang kher duh a ni. 1909 thleng U.T. kan nih atang khan Lawngtlai khan Lawngtlai bialah hian PWD kawng hi km 31 chiah kan nei. Tunah hian Truckable road km 100 bawh laih a ni tawh a, PMGSY hmang te, RSGY atang tein. Heng hian Sorkarin a mipui mamawh, mipui tana hmasawna tur kawng a dap zia alangin ka hria a. ropui ka ti a, kan tarlang a ni.

Tin, kumin hi Mautam kum a ni a, mautam tam kan hmachhawn dawn niin a lang a. Amaherawhchu, Sorkar ruahmanna zarah mang ang lutuk lovin kan awm ka ring a. Nichina ka hmaa Chawngte bialtu zahawm takin a sawi tak ang khan Lawngtlai leh Saiha District bikah phei chuan duhsak takin NREGS pek kan ni a. Kum khata ni 100 Sorkar hna thawklo chhungkua te in hlawh theihna turin. Hei hian Mautam tam pawh lo thleng sela, Buhfai ei tur chauhah chuan lungkham lutuk ngai lovin ei tur chu ngaihtuah theihna tur sum in hlawnna tur a ngaihtuahin ka hria a. Mipui thleng phak development scheme tling niin ka hria a ropui ka ti em em mai a. Tun Mautam tam hi hmundang district dang NRES hmulo te dinhmun chu ka hre vek lova, keiniah chuan he tam vang ngawr ngawr a ei tur neilo ngawt chu Pathian zarah kan awm kan ring lo a ni Sorkar hmalakna avang hian. A fuh em emin kan hria a, chutiang Sorkar kan nei chu kan chhuang a, lawmawm kan ti em em a ni. Kuminah hian ni 60 te ni 70 te inhlawh tawh an awm a, kan hmang zo hman zawk dawn nange kan tan tlai deuh avangin tiin Lawngtlai Block phei chu kan awm a. Amaherawhchu, theih tawpin kan hnathawktu kan BDO leh kan P.D. te D.C. ten tan an la a, mipui harsa awmlo tura inhlawnna tur chu ti thei turin kan inruahman a, a lawmawm ka ti em em a ni. Heng kan tarlan te hian Mizoram Sorkar hian mipui te tan a tha tur ram hnuk development pawimawh tak tak kengkawh chung a. thawk chung a nitin a tur neilo te inhlawnna tur kawng a zawngin ka hria a, ropui ka ti em em a ni.

Tin, chulo lelah chuan Mizoram development a ruallo em em thin a, ruling, opposition tih te nasa takin kan insawiselin, kan indem thin a. Chutiang kawngah chuan tun hmaa kan la hmuh ngai loh, MLA, LAD fund kan Chief Minister zahawm takin a rawn siam hi a ropui ka ti a, hetah hian chuan Pu Deputy Speaker, he House member zawng zawng hi chu kan lawm ka ring a ni. I

veilam amite tan hlei hlei hian a lawmawmin ka hria. Ka sawi tak ang khan Lawngtlai hi bial zau ber pawh kan niin ka hria a, duh thu sam dawn pheii ilang kei ka duh hial a ni. Lawngtlai bial atan chuan entirnan - Khawhai te, Zawlnuam te Pu Deputy Speaker, i bial nen tea tehkhin chuan kan in dawn zat lo lutuk a tih theih a ni. Chutiang khawpa development tha kan Chief Minister zahawm takin a rawn ngaihtuah chhuak hi a ropui ka ti a, hei hian Mizoram development rual khai lo lutuk rual taka a kal theih na tur hi a duh zia a rawn tarlangin ka hria a, a lawmawm ka ti takzet a ni. Duhthusamah chuan a pawisa tam se kan duh a, mahse keimahnin thawk chhuak lo kan la nih avang hian Central Sorkar-ah thui tak kan inghat lo thei lova. Chutiang chungga hetiang Scheme kan nei thei hi chu kan bial mipuite zawng zawng tan pawh malsawmna a niin a ropui em em a ni. Chuvang chuan, he Sorkar hi kan vaia kan tawiawm a kan fak hi a tul a ni.

Tin, zirna leh hriselna chungchangah Sorkarin hma a la tha em emin ka hria a. Kan hriat theuh angin nikum khan resolution kan pass a, District-a Hospital la awm lohnate District Hospital ah te upgrade nise tih kan pass a. Kha bawhzuinaah khan approval pawh kan hmu tawh tih kan hria a. Khang zawng zawngah khan mipui hriselnate, zirna lamah pawh hma kan sawnna tura over-all development kha Sorkarin a kengkawh niin ka hria a.

Hriselna chungchangah hian bial pakhat phar tamna ber pawh kan nih ka ring a, natna chi hrang hrang pawh a nih ka ring a. Damdawi in lampang, medical facilities nei chhe ber kan nih pawh ka ring a. Tunah CHC thin kha District Hospital-ah min hlankai sak ta a, a facilities dang pakhatmah min la tih sak lo mahse kan lawm a.

Tin, Bungtlangah PHC a awm a. khum 10 awmna, chumi bak chu damdawi in pakhatmah a awm lova, Chawngte chhim lam Vascitlang atanga chhim lam zawng zawngin an intawm a. Damdawi in pakhat Mizoram mipuiin an intawm nasatna ber pawh a niin ka ring a ni. Chutiang kan nih lai chuan Doctor kan neih ngai lohte dah sak kan ni a.

Tin, Sub-Centre-a Health Worker awm ngai lohnahte dah sak kan ni a, hei hian development infrastructure bakah mipui mamawh Social Service he Sorkar hian a ngai pawimawh a, budget-ah chutiang hawizawng chuan ruahmanna a siamin ka hria a, a ropui ka ti a, kan vai hian tha kan tih tlan pawh ka ring a ni.

Tin, Pu Deputy Speaker, hei Agriculture Department hmalakna Land Development hi nakinah kan sawi tho ang a, sawi loh theih niin ka hre lova, Mizoram hi tlangram a ni a, kan Lui ruam zawlte, tui lakna leh Leileta han tih ve tur pawh hian dik chiah chuan man-power chuan kan tlin lo a ni. Ram zawl tha deuh te pawh engemaw tia buatsaih fe loh chuan Leileta siam tak tak turin kan ram zawl neih thatte a harsa em em a. Chutiang kawngah chuan Agriculture Department atanga Land Development an tih hi sawi loh theih niin ka hre lova. Hei kan bial Chamdur Project tih hi a hming chu in hre furin ka ring a. Tunhmain Motor kawngin a tlawhpawh lo bawk a, hmalakna pakhatmah awmlo thin kha kuminah hian hectare engemaw zat Agriculture Department hmanga nawr tawh a ni a, buatsaih a ni a.

Tun hmaa buh an chin theih lohna leh thlai an chin theih lohnaah khan khatia nawr theih lohnaah khan khatia nawr zawl anih chuan tui a lak theih a. Thui takin inbuatsaihna a kal thei a. Mahnia leilet buatsaih theilo zawng zawng khan khatia Sorkar in a nawr zawl sak takah chuan leilet tha tak an nei thei ta hlawm a. An eizawna kawngah, an income-ah nasa takin tun kum hi liam sela, kum thar lamah nasa takin thlai a thar chhuah theih ka ring a. Chutiang tur atana Sorkar hmalakna, in ruahmanna a ropui hlein ka hria.

Heng kan tarlan tlem te atang pawh hianin kawng hrang hranga Mizoram Sorkarin a Zoram mipui, Zoram hmasawna tura ke a penna hi hmuh hmaih rual niin ka hre lo a ni. Political advantage avanga kil hrang hrang atanga inbeihna hi chu awm bawk mahsela a tlangpui thuin Mizoram Sorkar hian mipuite mamawh leh Mizoram hmasawna tur kawngah ke a pen niin ka hria a. Hei Aizawl khawpui chhung ngeiah pawh kan hmuh hmasawna ropui tak tak, ruahmanna dik avanga kal a ni tih a chiang a. Millenium Centre te, khawpui a chei hrim hrimin ka hria a, kil lehlamah chuan.

Tin, sawtah Pu Ch.Chhunga Bus Terminal te leh kan khawlai kawng tha tak tak te han chhut hian Sorkar hmalakna leh Sorkar in a mipui tan a hna a thawh hi chhuanawm leh ropui tak tak a tam hlein ka hria a. Hei hian budget awmze nei, mipui tama hma la Sorkar, mipui tana hnathawk Sorkar a niin ka hria a. Khawimaw laiah kan duthusam ang thlap a thleng lo a nih pawhin kan sum neih chhun atanga hna kan thawhna kawngah Sorkar hmalakna hi chu a chhuanawm takmeuhin ka hria a ni. Chuvang chuan he kan budget hi a tha a. Mizoram mipuite tan pawh kawng awmze neiin hna a thawh chho zel ang tih ka ring a. Chulai chu ka rawn dinpui ve a ni e, ka lawm e.

**PU LALRINLIANA SAILO** : Pu Deputy Speaker, ka lawm e. Kan phur lo hlawm a ni ang e. Sorkar hei Official Gallery pawh hi, khalam chair atang khan in au in au mai a. In au chhuak hlei thei lem hlei lova. Minister te lah hi General Discussion a ni a, tlemte hei tunah in awm tawh a, a then te hei in muthlu lehngal a, ram kaihhruai kan tum dan leh kan hruai dan reng a hi a ropui lo hlein ka hria.

Hei Budget General Discussion kan han nei a. A chhung thu hi nichinah Khawzawl bialtu te leh midangin an rawn sawi tawh a. Hemi han sawi vak leh idolise vak hi tih sawn theih pawh a ni tawh lovang a. a tul vak tawh lova. Amaherawhchu, hemi buatsaih tute hei Finance Department te hi an fakawm ka ti. An thawkrim hlein ka hria a. Tin, fakawm ka tihna em em chru Sorkar pawisa indaih silo, surplus si lo, surplus anga han chhuah tum dan tur vel laia ziah tir laia hi an khawngaihthlakin ka hria a, kan khawngaih phak loh mah nise. Chuvangin, an thawkrim hle a nih ka ring a. Chutih rualin kan sawi duh chu GSBP hi a rilru chhungril takah hei hi a nihna tak a ni em tih hi an ziah lai hian kan Chief Minister zahawm tak Finance changtu hi ka zawt a ni, kan ngaithla tawh a Aizawl North II bialtu zahawm tak pawhin a sawi a, a tak tak a kan domestic product hi eng ang nge ni ? Thingtlang mi zawng zawng leh average hian a ni chiah em ? Sorkar hnathawka kan invest a hi kan count anih ngat chuan keimahni leh keimahni kan inbum ang tih hi kan sawi hmasa duh a ni.

Tin, hei kan zir ve hlawm a. a then chu medical treatment ah te hianin nikum lam khan ka chawhchhuah danah revise hmian Budget provision-ah khan nuai 3650/3000 niin kan belhchhuak a, a vaiin department zawng zawng a hi. Hei hi ICICI Lombard lo luh chatna pawh kha a niin ka hria a ni. Nuai 3000 chuang a hi chan ve an tum tak chuan lo luh ve an tuma Minister tena an han ngaihtuah a awm theih niin an hre si a, vawiinniah hian crore 17 velin kan zo thei ang tih te a ri emawni, Chiang fek fawkin hei hi ka la hre lova. Chu tak chu a ni Sorkar hnathawk hi ka khawngaih phak loh mah nise ka tawngkam ka thiam lova. Pu Deputy Speaker, hetiang a mahni chanvo liau liau tur pawisa hi Company sumdawng Company khan a rawn hmu kar mai a, a rawn lut chat mai a ni a awmziaah chuan. Sorkar hnathawkte a tak taka damlo te harsatna lai tak kha an hlawk tumna lai tak mai a ni lehngal a he ICICI Lombard hian, a pawl takmeuh meuhin ka hria. Kumkhat chhunga agreement siam tur a ni a, hei hi extend loh nise ka ti khawp mai. Amaherawhchu, tuna kan budget provision ah hianin hei S.A.D. ah nichin pawh kan zawh tawh kha, Supplementary Demand sawi naah khan nuai 2060 leh 10000 dah a ni a, tiang atang te hian a ngaihthat thlak lem loh khawp mai, tih zui loh te kha chu an tum lo. engngeni cancel emaw leh agreement hmasa hi lo thalo pawh nise. chhunzawm tir loh kha chu an tumlo reng reng Chiang mai a. Chuvang chuan, hengah te hian a ngaihthatthlak loh hlein ka hria.

Tin, hei a mak ka ti ang reng ka hriatthiamloh a awm a. Office Expenses ah te hianin nikum lam khanin kan sawi tawh a, nuai 420 leh sing sarh dah kha a ni a, a ropui hem hem hlein ka hria a, eng atan em em hian nge ni a tih mai tur hi a nia keini ang rual tan chuan. Tin, Other charges ah hianin nikum khan nuai 6281 leh singnga leh sang hnih an han dah a ni a, kuminah hian tuna an dah leh hianin hei Office expenses ah hianin nuai 4082 leh singli leh sangli an han dah leh hum hum mai a nia. Mipui leh rethei leh kuthnathawktu te lampang hi a thlenglo hle mai ngat ngat a. Tin, Other Charges-ah hianin nuai 15463 leh sing 68000/- an han ruahman leh an la revise leh dawn a ni nghe nghein ka ring a a tawpah phei chuan. Chutilai a Agriculture Sector leh Horticulture ami emaw kuthnathawktute lam tan hi chuan a chhe hlein ka hria kan Budget hi. A reality ah a chhia a ni.

Tunah hian hei hreawm ka tih em em chu Economic survey an rawn nei a. Barhluih an han ti hram hram a a lawmawm a. Mahse, hetah hian BPL hi 25.37% an awm a ni Mizoramah hian. Chu chuan kan ram enkawl danah BPL heti em ema tam kan awm hi a dik em ? Chuvangin, tuna Budget Provision-ah pawh hian Agriculture & Allied-ah hian 8.97% chauh dah a ni a. Agriculture kuthnathawktute lampangah hian rilru an pe lo hle a ni tih a chianna chu hetah hian a lang a. 2005-2006 ah hian 10.27% a awm a. 2007-2008 ah hian 8.97% a ni a. Chuvangin, a hniam zawngin kuthnathawktu leh Agriculture lamah hian a hniam hret hret a a pawl hle a ni.

Chutih rualin hei MLA fund min peka hi a lawmawm e. Mahse, State dang han chhut hian crore 2 neite crore 1 leh a chanve neite crore khat neite an tam mai. Meghalaya ah pawh kan MLA tenkhatin min hrilh chu

nikum lamah khan crore 1 an nei daih tawh a ni. Chutihrualin management Department-ah chuan Other Charges ah hian nuai 701 leh sing ruk an dah a. Tunah pawh hian hei Power-ah te chuan nuai 7610 chuang an dah a. Chuvangin, Department pakhat Other charges a an dahte chutiang tluk pawh nilo MLA fund min pe ta hi chu a beitham lutuk. Hei khaw thenkhat/bial thenkhat te chu Development a lut ruallo em em a. Kan fang a, kan bialah te ngei pawh Krismas dawn khan pawisa an nei lova, inhlawhna a awm si lova, buh an thar chhe bawk si a. Krismas hmang ve lo mai ang ti chhungkua an awm nawk a ni. Tichuan kan fund te chu kan han sem ve a. Tahchuan kan Sorkar pawh hian kan tih ang hian ti ve se ka ti, Development Ffund hi. Keini chuan kan bial khawtinah a rethei thei khuaah Sorkar hnathawk/Dawrkai in ti lovng a, chumi hnuah a rethei theiin la ang a. Ti hian 2/3 hnuah party ah dik takin sawi ila. Party-a lo fatu deuh te chu a tawpah a la awm anih chuan in lut ang kan ti chauh a ni.

Chutiang chuan fair takin party lut miah lovin, party duhsakna awm miah lovin, kan fund tlemte kha kan han hnawhlut a ni a. Tiang chuanin tunah hianin kan Sorkar pawh hianin party ringawt hi ngaihtuah lo se ka duh ngawt mai. A tak takin hei hi chu. A chhan chu tunah hian kan Ministry hi han in en chiang teh se. Khawiangge hmalai pi pu atang kan structure tha kha ? A dial dial nunte kha khawiahnge a awm tak ? Arakan-ah an rawn theihngihl em ni ? Eng ang pawhin harsa se eng ang pawhin hun khirh tawng mahse puih ve tak a ruangin, an rawn MNF ve phawt loh chuan membership fee rawn pe ve phawt rawh u. Khatieng kha a ni vek mai. Khawiahnge in thenawm khawvenna, a dial dial nunte kha a awm tak a pawl tak meuh meuhin ka hria.

Tin, chutieng chu anih vang anih ka ring a. hei Mirethei Inzawmkhawm Pawl tih te, pawl hrang hrang mai hian mang angin thu tha emaw, thil tha emaw auchhuahpui tumin tan an la nasa hle mai a. Tiang chuan hei Demand te an siam ve nasa mai a. Tiang chuanin kan Zoram hi kan rum tak meuh meuhin ka hria a. Chutih rualin Pu Deputy Speaker, nikuma Question te kha Starred Question No. 144 -naah te khan Sawhthing Loan ngaihdam chungchang te kha engnge ni ta ? tia Pu Zodintluanga zawhna chu, Sawhthing loan ba rulhna tur hi Plan fund a pek an nih avangin 2006-2007 chhung hian rulh a ni ang tiin Chief Minister zahawm tak Finance changtuin a sawi a. Vawin hian 2006-2007 chu a rul tawh a. Khatieng mai mai khanin thil hi han enlet leh a, han enchian dawlo hi a tam lutuk ringawt mai a ni.

Chutiang chuanin a mirethei zawng leh a harsa te puihna leh dawmkan zawng ai chuan helaia a Department te hman dan tur a ni emaw leh engemawah hianin a tam lutuk a. Chuvang chuan, MLA fund te pawh hi a lawmawm rual rualin, Department pakhat O.E. Office Expenses tur daih pawh min han pe phallo te hi chu State dangte dinhmun hi chhut ve a tha khawpin ka hria.

Tin, State dang han sawi takah chuanin. ka sawi tawh a helai hmunah hianin. Hei kan mamawh em em mai. Irrigation chungchangah te hian 12<sup>th</sup> Finance Commission Report in a word-ah khanin Nagaland-in cheng vaibelchhe 39 vel an neih laiin, hei State lianpui pui chu va in compare lo ta ila. Tin, Meghalaya pawhin vaibelchhe 38 chuang an neih ve laiin, keini chu

vaibelchhe 4 leh nuai 39 chauh kan nei a ni. Engati em em nge ? Keini aia irrigation mamawh hi State dang an awm emaw ni le ? Pu Dy. Speaker, engatinge hetiang em em a kan tlem bik ? Khung state lian pui puite khu chu tehkhin lo ta ila. Hemi Nagaland leh Meghalaya te hi chu tlema kan han compete ve theih deuh, kan han khuangrual ve deuh state an ni a. Heng angte vaibelchhe 35 chuanga kan han pha lo ringawt mai te hi a va han zialo em em ve ka ti a ni.

Tin, pakhat lehah chuan hemi kan mamawh em em food subsidy chungchangah pawh hian engatinge helaiah hian ka rawn sawi ka rawn sawi tawh. Nalaland-in vaibelchhe 9 leh nuai 95 an ni a, tin Meghalaya in vaibelchhe 11.55 chuang an neih lain vaibelchhe 4 leh nuai 45 chauh kan neih le ? Hei hi kan in en a ngai a ni lawm ni ? Pawisa pawtchhuak thei kan intih te hi, a ni lo reng reng. Hei tunah pawh kan lo en zo chiah a. Kan lo hmu zo chiah a. Enga tan nge inhman tihah hian Roads and Bridge-ah te pawh hian keinin State dang chungte chu kan phalo nasa lutuk ringawt mai a ni. Kha tunah pawisa hmanna an han sawi a, engloah khanin crores 881 beiseiah khan 754.37 leh tih chauh kan hmu a. 12<sup>th</sup> Management Commission Report atang hian Fiance Management-ah hian kan phaklo hle emaw ni ? Kan chhe hle emaw ni ka ti a ni. Crores za chuang kan hmuh tur kan hmu lo a ni.

Tin, kan Plan Budget hi mi state te nen a kan compare loh chuanin tha emaw kan ti thin. Tunah hian ka hriat dan ka sawinaah chuanin Assam in Rs. 26.60 in an Plan Budget an khum a. 26.60% a ni. Tripura 28.42, Nagaland 16.42, Meghalaya 10.05, Sikkim 26%, Mizoram hi 12 a niin ka hria. Chuvangin, tha a kan sawi hi a thalo a ni. A tak takah chuan inenchian a tha ngawtin ka hria. Awle, helaiah hian a zia kah fel thlapin kal mahse, a rethei zawk leh a thingtlang dinhmunte chawikan a nih si loh a, harsatnain a tuam reng si kha chuan eng ang pawhin helaiah hian inziak fel mah ila, budget tha a nilo hrim hrim a ni. A hmanna turah hian a ni a pawimawh zawk ni.

Pu Deputy Speaker, Serlui 'B' ah pawh kan sawi tawh a, hman kumah khawiahnge khangte kha a nih leh mak deuh mai chu jungle clearance-ah nuai 3,82,75,000 engtinge an hman ? Tunah hian a nih leh eng angin nge an tih tak ? Mak deuh mai chu (Deputy Speaker : I duh tawh mai ang, a thui lutuk dawn ) Aw, chu chauh chu kan zo ang e. Spill way-ah khan nuai 95 chuang an dah leh a. Power House hmun sawn nan khan nuai 95 an dah a ni a. Tiang khanin earthen dao-ah nuai 95 chuang an dah a ni a. A hmanna zawka hi a ni pawimawh tura chu ni. Hetiang mai maia in zia k kwal tur a ni lo Chuvang chuan mipui hnen thleng rawh se, mirethei hnen thleng rawh se, chu chu kan rawn sawi duh a ni a.

**PU H. ROHLUNA**

: Pu Deputy Speaker, ka lawm e. Hei i ding lama thute hi vawiin chu an phur lo deuh niin ka hria a, a sawi tua te khan lawmawm an han ti a, kan House Leader hnenah lawmthute an sawi tliar tliar nain a tak takah an thilung ramah lawmna a awm lo em ni ? ka ti deuh a. An phur lo riau a, Member pawh House chhungah pawh an thu peih manglo niin ka hria a. a phur zawk awm tak hi kan phurlo ta riau in ka hria a. Eng ngeni a chhan ni ang tih ngaihtuah tham niin ka hria. Tun tum kan Budget hi hei Economic and Statistics Department lam Planning hnuai ah economic survey te kum danga awm ngailo an han tih hi thil thar a ni a, a lawmawm khawpin ka hria.

Tin, Mizoram Fiscal Responsibility and Budget Management Act, 2006 a kan han neih takah hian prospect of the State economy and medium term fiscal policy tih te an han tichhuak a, hengte hi thil thar deuh niin ka hria a, a lawmawm khawpin ka hria. Amaherawhchu, survey kan han neihte, heng policy kan han siamte hi a rintlak tak tak em tih hi chu ngun taka ngaihtuah a ngaiin ka ring a, a chhan chu kan economic survey-ah hian kan G.S.D.P. hi 4.84 ah hian a thangchho tih hi tarlan a ni a. Amaherawhchu, vawiinia kut hnathawktute thingtlang lam ka han en hian a thanchhohna lai hi hmuh tur a awmin ka hre lova, a tak tak, a reality hi a pawimawhin ka hria a. Helai a ziaka fel ai hian a tak taka Zoram mipuite dinhmun siamthat zawk hi a pawimawh lai chu a ni tih hi ka sawilang duh a ni.

Tin, budget chungchang hi han sawi ngial dawn pawh ni ila, helai a hun tawiteah kan sawi seng lovang a, a technical leh thil dang hi chu sawi pawh ka tum hran lova, ka zuk hriatthiam dan ve erawh hi chu kan budget pumpui plan leh non-plan belhkhawm aiin kan leiba a tam zawk. tih lai kha ka zuk hriatthiam ve dan chu a ni a.

Tin, kan leiba hi a tam ang reng a, kum tina pung chho zel nen, helai a hian surplus a revenue side-ah te kan nei dawn tih sawi thin mah ila a tawpah chuan leiba ah bawh hian kan tlu zel dawn niin a hriat a. Chuvangin, kan ram kalchho zel dan tur erawh hi chu eng angin nge kan Sorkar hian min kalpui zel dawn tih chu kan la thlir chho zel turah ngai ta ila. Tichuan, kan budget punna hi 12.14% vel a ni tih kha a ni a, hengte pawh hi normal increase a ni. Member zahawm tak tak ten an sawi khan uanpui vak tur awmin ka hre lova. Heng ang hi chu kumtina kan budget hi a pun dan tlangpui a ni tih kha kan sawi lang duh bawh a.

Tichuan, Budget punna crore 92 in a pung tih tein kan han sawi thin a. Amaherawhchu, pawisa a tam tual tual hi a ngaihtuah awm zawkin ka hria. Chu chu kan ram dinhmun vawiinia hian a tak takah chuan a ni. Kut hnathawktute dinhmun han en ta ila, vawiinniah chuan an dinhmun hi a khawngaihthlak hlein ka hria. Ei leh bar tlai chhum tur pawh neilo, inhlawhchawp, inhlawhna tur pawh hmu lo, nikum an buh thar chhuah, an buh chi chin zat pawh thar lo chhungkua hi

vawiin niah hian an tam a ni. Chuvangin, sum leh pai hi a tam lama teh zawk hi a niin ka hre lova, tupawhin chhungkaw enkawl tawh hi chuanin kan hriain ka hria a. Sum leh pai hi a tam leh a tlem ang ai mahin kan neih ang chhun chhun hi a hmanna a dika a kal kawng a dik hi chuan a tangkai a ni. Chumi entirna atan chuan Congress Sorkar lai khan 1997-98 khan kan Annual Plan-ah khan 330 vaibelchhe bawr vel a ni a. Chutihlai chuan NLUP an sem thei, vawiinniah chuan kan Budget a hi 2006-2007 ah a ni. Tin, Rangva pawh an sem thei, vawiinniah chuan kan budget a hi 2006-2007 ah khan plan bikah vaibelchhe 758 a ni a, tunah pehi chuan 850 ah kan kai chho dawn tawh. Chutihlai chuan mipui dawn ve hi engnge niawm tih hil ngaihtuah a ngai a ni. Kut hnathawktute hnen thleng phak, mirethei thleng phak hi kan budget-ah hian engzat nge awm tih hi kan inchhutna tur zawka chu niin ka hria a. Kan sawi ang khan a Budget lama pawisa pung tual tuala mipui hnen thleng tlem tial tial hi a ngaihtuahawm lai ber chu a ni zawkin ka hria.

Tichuan kut hnathawktute dinhmun hi vawiin niah chuan a tha chuang lova retheih lam an pan tial tial a, chutah Mautamin min la nuai zui leh ta nghal a, BAFACOS sum te beisei takin an lo thlir a, vawiinniah hian mirethei leh kut hnathawktute rethei tak tak te hnen hi a thleng phak lo a ni. Chutih lai chuan helaiah a thu bik fal deuh hovin kuthnathawha eizawng pawh ni lovin sum tam tak tak an lo dawng a. Industry a an hman dante kha zonun mat ply an pek dante kha. Chutiang zel chuan department hrang hranga an hman dan kha han en ta ila, vawiinniah hian a nihna tak tak hi kut hnathawktute hian hria sela chuan he Sorkar a hi ding zel tlak a ni lo tih hi chiang takin an hmuiin ka ring. Chu chu kan budget ka zuk sawithiam ve dan a ni a.

Tichuan, vawiinniah chuan kuthnathawktute dawmkan duhna thinlung pu tak tak ten rinawm takin Aieng te kan han sawi leh vel a, vawiinniah hian kuthnathawktutena an thar sa Sawhthingte hi engatinge hetia kan dah tak mai mai. In kawtkai Rs. 10/- in kan lei sak ang che u tiin Pu Deputy Speaker. I velama an thut lai hian vawiinniah kan House Leader te ngei pawh hian an sawi a ni lawm ni ? I dinglama an thut hnuah pawh an sawi an sawi. Vawiinniah hian kan Sawhthing chingute hi an mangang a nih hi, a rate pawh an hre lo, a hralhna tur pawh an hre lo. Kan ngaihtuah e ti hian kum hi a ral leh mai dawn a ni. Hei hi kuthnathawktute kan Sorkar in a enkawl dan a ni. Sapthei te pawh zamna kan pe thei kan ti, a khawlte hi eng dinhmunah nge a din, nakuma hawn tawh tur vawiin a la hawn loh. Chawngtlai in tlem te an thar an leisak chhun lah chu an la bat sak leh nghal. Mizoram pumpuiah kan chin tir a kan lei sak ngei dawn em ? Tin, Sawhthing te Sapthei te pawh. Tin, Aieng lah hi a chi diklo supply nen chutah lah a hralh tur nei a piangin eng ang chi pawh nise a chi an supply leh ta ringawt a, an hmuh a piang an lei khawm ringawt mai a ni. Chu chu thu hran Zoram a mi Rs. 8/- in a lei, Zoram pawn lam a mi Rs. 16/- chuangin an lei sak leh dawn ta. Kuthnathawktute kan enkawl dan hi Pu Deputy Speaker, a manganthlak a ni. Mipui hi thil engkim kan sawi hmuh a, kan in chuh tir a. Amaherawhchu, a tak tak ramah kan tum leh silo anih hi.

Tin, Tax chungchangah hian, Tui Bill hi service a improved tak avangin a rate hi revise tur tih hi kan Finance Minister-in budget Speech-ah a lang a, vawiinniah hian a improve nen ka hmu lova. Kum dang a kan tui



hmuh zat ang tho hi a ni tunah kan hmuh. Aizawl Greater Water Supply Scheme lah hi tun thlengin an la trial theilovin ka hria. Vawiinniah chu chu a nih avangin hei hi a service a that tak avanga han tihna chhan tur a hi chu a service a hi helaiah hian a thatna chhan hi ka zuk hmu lova. Tin, a rate han revise na chhan tur a hi ka hmu tel lo tih hi ka sawilang tel duh bawk a ni.

Tin, minor irrigation te leh heng laiah te hian chhiah lak tur tihte hi Sorkar kumthar atangin tih a ni, Irrigation ahte kuthnathawktute retheih zia ka sawi tawh. Vawiinniah hian chhiah han lakbelh zel pheih ilang chuan em ema mawle tih hi mipui ngaihdan chu a niin ka hria a. Chuvangin, heng hi vawiinniah kan dinhmunah hian a dikin a lang lo. Lak sak thei dinhmunah hianin kan la dingin a lang lo a ni.

Tin, BAFFACOS chungchangah hian para 35-naah han let leh ka duh a. Mautam avanga harsatna khua leh tui tumahin an tuar kan phal lovang tih kan House Leader zahawm tak kan Finance Minister ni bawkin a Budget Speech khan a sawi a ni. Vawinniah hian a thu maiin Mautam tuartute kan thlamuan palh ang tih ka hlau ber. A takin mipuite thlamuan tur khawpin chhawmdawlina hi mipute thleng mawlh rawh se. Helaia kan sawi mawi mai emaw tawngkam thiam avanga kan sawi mam mai hi a dikin ka ring lo. Vawiinniah hian mipui hian Sorkarin mautam tuar mek te hi chhawmdawlina an hnenah a thlen ang tih min lo thlir lai hian kan Budget Session pawh hi uluk takin vawiinniah mipuite hian an thlirin ka ring. Chuvang chuan anni hi tawngkam maia kan thlamuan hi a tawkin ka hre lova, a tak taka BAFFACOS pawisa a ni emaw, heng tam tuartute chhawmdawlina hi mipui hnen a thlen hi a tul tak tak a. Helamah hian kan Sorkarin tih tak zetin hma la rawh se. Sawi tur tam tak a awm a, amaherawhchu, kan hunin min daih leh thin bawk silova, Pu Deputy Speaker, ka lawm e.

**S P E A K E R** : Awle, hun a tawp lo nain kan titawp rih a ni ang chu. Le, hei ka hun tiamah chuan Dar 4:00 khi ban hun kha a ni mai a. Minute 5 ala awm a, kan mawng hi a rit tlang tawh hlawmin a lang a. Chuvang chuan, vawiin atan chuan kan duh tawk mai ang a, naktuk Thawhlejni zing Dar 10:30 AM ah kan thukhawm leh dawn nia. Sitting adjourned. 4:00 p.m.